


# MBUTO YA KUNEHA

## KUHANDUNUNA

 Nguna sakula ufuku uno mutwe wawihi, mokomoko kutanga cha chihi, nge Mwata neteva, kutuhana vilimo, kufuma muli muka Kujila Mateu 13:24 kutwala ku 30. Kaha jinonyi cheka Nguli—Nguli na kutonda kutanga kufuma ha 36 kutwala ku 40, mukatando kakatende. Jino muka Kujila Mateu, ha kapetulu 13, kuputukila ha 24 vase ya kapetulu 13 ya muka Kujila Mateu. Ivwililenu kanawa kukutanga cha Mazu. Mazu Ami na wahona, oloze Enyi kaweshiko.

*Avatelele chishimo chikwavo nawa, ngwenyi, Wangana wa melu vanaufwanyisa nge muthu akwile mbuto ja mwaza muwande wenyi:*

*Oloze shimbu ikiye apwile mutulo, mukakole wenyi ejile na kukuvamo mwila mukachi ka tiliku, hikuliyila kwenyi.*

*Oloze omu jasokele mbuto nakwima, kaha janehele mihako, hahaze vene na mwila nawa walumbunukile.*

*Kaha vandungo ja yauze mwenya zuvo vejile vamwihwile ngwavo, Ove mwata, muwande wove kawa kuvilemo mbuto ja mwazako tahi? nyi ou mwila nawa unafumu kulihi?*

*Kaha avambile ngwenyi, Mukakole nalingi chuma kana. Kaha vandungo jenyi navamwihula ngwavo, Kaha unasake ngwove tuyenga . . . tukawunyemo tahi?*

*Oloze ikiye avambile ngwenyi, Nduma; kuchina hakwunya mwila, enu namuvunyila natiliku na mwila hamwe.*

*Visezenu vikiko vyosena vivali vikulilenga tuhu hamwe palanga nahakwaha: kaha hangonde ya kwaha Nanguka tuma kuli vaka kwaha ngwami, Vangilenu kukungulula mwila, muukasekase mikuta muuwemese: oloze tilikunyi yikungulwilenu mu chisete.*

<sup>2</sup> Enu mwatalisanga, “Kukungulula mwila chatete, kuukasa mukuta”? Jino, kutanga echi, kwapwanga chuma chimwe chaungeji chezanga kuli yami shimbu Ngwa twamanga helu lya Pili ya Catalina ufuku ukwavo, mu kulomba. Kaha jinonyi Ngwashinganyekele, “Kuli na Nguwana lizu lize Ngwatela kuzachisa hali echi Ngwakutonda kuhanjikaho ufuku uno?”

<sup>3</sup> Kaha Ngwashikumukile nakuya na kuwana lizu lya kuneha kuhandununa, Ngwatalanga mu chikukulwishi lizu

lya *kuneha kuhandununa* mulya lumbunukila. Kaha lya lumbunuka kupwa “kutumba kuhandununa,” mokomoko—mokomoko, “kupwa wa kulimbalaka,” nge Webster ngwenyi, “kutumba kuhandununa, chumachimwe chakuhandunuka,” mokomoko, “kupwa wa kulimbalaka kuchuma chiliko lyehi.” Shikaho Ngwashinganyekele, mutwe wa ufuku uno, Ngunahase kuusanyika: *Mbuto Ya Kuneha Kuhandununa*. Kaha kufwelela Mwata mwaya naku kisula Lizu Lyenyi jino nge omu etu natupandama kuli Echi.

<sup>4</sup> Kaha etu cheka tunatachikiza Ikiye mwaya nakulumbunwina, mu vase ya 36 na—na kutwala ku 43, omu ize mbuto ya kulile. Kaha shimbu etu tuli hali echi, echenu tutange nechi nawa, vase 36 jino palanga 43.

*Kaha Yesu haze vene mayongomena awasezele, Ikiye engilile muzuvo: tumbaji vapandamine kuli ikiye, vamwabile ngwavo, Tulumbunwine ocho chishimo chamwila wamuwande.*

*Kaha Ikiye avakumbulwile ngwenyi, Uze mukakukuva mbuto ja mwaza ivene Mwana muthu;*

*Kaha wande ukiko vene mafuchi ahamavu; mbuto ja mwaza vakiko vene vana va wangana; oloze mwila vakiko vene vana vayauze wamupi;*

*Mukakole uze akuvile ikiye vene liyavolo; ha kwaha hakiko vene hakukuma chamyaka yino; kaha vakakwaha vakiko vene vangelo.*

*Shikaho nganomu veji kukungululanga mwila nakuuwemesa nakakahya; mukiko vene munachikapwa ha kukuma cha myaka yino.*

*Mwana muthu mwakavatuma vangelo jenyi, kaha vyuma vya kulimbwisa vyosena, navaze veji kulinganga vyaupapwoki navakava kungulamo muwangana wenyi;*

*Nakuvambila mukahya, mulilungu lya kakahya: kaha mwamuze vene munavakapwanga na kulila, na kulingenjunga kumazo.*

*Haze vene numba vakakwoloka vakavyakumanga nge likumbi muwangana wa Sevo. Ou ali na matwitwi . . . erwilile.*

<sup>5</sup> Aha jino Yesu mwahana kulumbununa echi chishimo, Ivene, shikangaho etu tunatachikiza kulumbunuka cha kulumbununa. Kaha jino omu etu tuli nakupandama kuli echi, echi kutumba eyi mbuto na—na ku kwaha, jino Ikiye na yilumbununa. Kaha jinonyi Ngwafwelela ngana Yesu apwile nakuhanjika echi chishimo mulikumbi Lyenyi, oloze kulumbunuka kukuma cha kaye, mokomoko, kukuma cha chisemunwino, chili lino likumbi. Kaha Ngwafwelela mutwe waundende ufuku uno unatemo wa ola etu tuli nakuyoyela mo, mwomwo Yesu

nahanjika mwakulumbunuka hano ngana “chize kukungulula nachikapwako kumakumishilo akaye kano,” ngana ngachize omwo makumishilo na wakapwa; kukungulula ize tiliku, kaha cheka kukungulula mwila kaha na kuwemesa, kaha kumbata ize tiliku kutwala mu Wangana. Kaha Ngwafwelela chapwile muli eyi jila.

<sup>6</sup> Kaha Chisoneka chikwavo cha ngutwaminyina yami kufwelela jila eyi, Ngwa soneka hano ngana, ali Mateu 24:24, kuze ahanjika ngana, kuhanjika hali ize—ize mbuto—ize mbuto ya kuneha kuhandununa. Yesu ngwenyi jize jivali najikalihata chikuma palanga nomu najikahasa kuhungumwisa vaze vene vaku Sakula kachi chahashile. Kupwa vene nge chochimwe.

<sup>7</sup> Chihela chikwavo muli chize Chisoneka muze vasoneka, ngana nge vula kunokela hali vaka kwoloka na vaka kuzeneka kufwelela.

<sup>8</sup> Ngunanuka kupwa chami chatete omwo ngwejile mukachi kavathu va Pendekosita. Ngwapwile ku Mishawaka, Indiana. Kaha Ngwapwile ku kukunguluka chachinene, zuvo yayinene nge yino, kuze va Kunote na ku Musamuko vejile hamwe. Mwomwo makumbi aze, vya chihandwa, vakikiko vapwile nakuli wana kuze. Vakiko vapwile na vinyulo vivali vyavinene muundumbu wa mu Pendekosita. Kanda nguvevwengaho lyehi mokomoko kuvawanaho lyehi. Lwola lwatete Ngwevwile kuhanjika mu malimi. Kaha kusongo ya mukana, yaku kunguluka... Yami hakuhona kupwa membala mukachi kavo, Ngwapwile kaha mukakuzata wamu Mbaputishiti wakanyike, Ngwayile jila ya kunyima kuya kunyima. Kaha Ngunanuka lwola lwatete Ngwevwile kala muthu kuhanjika mu malimi, Ngwahonene numba kutachikiza chuma muka—chuma muka chapwile chize. Kaha jinonyi ava malunga vavali, chikumanyi, vatwmine kulutwe, umwe mwahanjika mu malimi kaha mukwavo mwalumbununa vize uze lunga nahanjika. Chamwaza, Ngwaputukile kutanga mu Mbimbiliya chikuma kuma nge omu Ngwahashile, haze jinonyi, kaha kuwana chize chapwile Chakusoneka. Chize chapwile vene Chisoneka, Shipilitu Wajila mwachilinga.

<sup>9</sup> Chamwaza, likumbi limwe hanyima ya chize... Ufuku uze muchima wami vausungile. Ngwasavalile muwande wamanona. Kangwapwile na mali akutamoko akuta ku—ku—kulanda kahela, shikaho Ngwapwile kaha na mali akutamo akuhiluka nawo kwimbo, kaha Ngwapwile na vindanda, vya shimbwile makumbi amavulu, mokomoko vyakuya muusuku, chapwile, kaha kulya chami chachimene. Kaha va Ngutambwile nge ngulye navo vakiko, oloze Kangwapwile na maliko akuhakamo. Mu makumbi aze, muze mu kushikumuka, 1933, shikaho chapwile—chapwile chachikalu vene. Kaha shikaho Ngwashinganyekele, “Chamwaza, Nangulinga... Kangwatondele kulya navo vakiko

ko, oloze Nguli nakutonda kutachikiza vakwechi ika. Vakiko vakwechi chuma chimwe chize Ngunahono yami.”

<sup>10</sup> Shikaho chimene chize Ngwapwile. . . vakiko vanguhulile yami, “Va kakuzata vosena veze kukamenga kaha jino ulijimbule ove lyavene, uhiya, wafuma kulihi.”

<sup>11</sup> Chamwaza, Ngwa—Ngwambile kaha, “William Branham, mukakwambulula mujimbu wa mwaza, Jeffersonville,” ngwatwamine. Chamwaza, ha lwola luze Ngwapwile mukakuzata wakanyike kuze kukamenga. Kaha lichako vakiko vangusanyikile yami nguye ngutangise kukamenga. Kaha jinonyi Ngwahanjikile, mwomwoika, etu twapwanga nalwola lwamwaza, kaha jino Ngwaputuka kuli wana na vathu veka naveka kungusanyika kumauka avo. Jinonyi hanyima vakiko. . .

<sup>12</sup> Hanyima yachize, mwomwoika, Ngwashingtonyekele, “Kachi Nanguhasa kaha kuheta kuze kuli vaze malunga vavali uze apwanga nakuhanjika malimi na uze mukakulumbununa!” Chize chapwile nakungwocha yami mumuchima, Ngwachitondele chikuma. Chamwaza, nge omu Ngwamilwekanga hakuputuka, kawana kakandende kaze mukoka. Munatachikiza, mawana na kusanyika apwako chipwe kwalumuka na kupihilila chiku, enu muli nawo muchiyoyelo chenu chosena, talenu, enu mwasemuka nawo, kachi nge ali mawana a Kalunga. Shikaho Ngwapwilenga, kuputuka kuze kuukemba, chapwilenga lwola lwosena kusolokanga kuli yami, vathu vanejiva chiyoyelo chami chosena, vakiko vanejiva ngachize nge muchano. Chamwaza, kachi Ngwashingtonyekele. . . Ngwahonene kutachikiza chapwile chika jino, kaha ngwachivulukile ngwami chimweno, Ngwahonene jino kutachikiza chapwile chika. Oloze Ngwashingtonyekele, “Kachi nge Nanguhasa kuhanjika navo!” Chamwaza, kaha shipilitu ize yapwile muze muzovo yevwakanyine nge Shipilitu ya Kalunga.

<sup>13</sup> Shikaho Ngwa—Ngwawashile kuhanjika kuli umwe, kaha Ngwamuhulile ikiye vihula vyavindende, kaha ikiye apwile muka Kulishitu wamwenemwene. Kaha kahapwile kukakasanako hali chize, uze lunga apwile mukakufwelela wamwenemwene. Kaha uze lunga mukwavo, omwo Ngwahanjikile na ikiye, kachi Ngwawanaho lyehi mukakwonga, uze apwile umwe wavo. Uze lunga apwile vene. . . Puwenyi apwile pwevo wa mutwe wa jikambu jangengu, kaha apwile na vana nenyi. . . vana vavali na pwevo wilava jikambu. Kaha Ngwashingtonyekele, “Chamwaza, jino ika? Hano hali, Yami—Yami nguli muchimbalanganyi. Yami ngumukakulifukula; chetela kupwa Lizu, mokomoko keshi chakwoloka ko. Kaha hano jino uze Shipilitu, umwe afumineho, kutesa nomwo Ngunatachikiza mwosena, mwamwenemwene; kaha umwe apwile kanawa mwosena; kaha uze Shipilitu kuholokela hali

vosena vavali. Jino, echi nachipwa ngachilihi?” Nanguhasa, echi changuhanyine kulipika.

<sup>14</sup> Kwahichile myaka ivali, Ngwapwile nakulomba mukapete mulilolwa kuze Ngwayilenga nakulomba. Ngwambachilemo lukungu muze mukapete mulilolwa, kaha chingoloshi chimwe Ngwalovokelemo, ngwahakile Mbimbiliya yami ha mungowa, kaha peho Yayi fukunwine ha Hepelewu, kapetulu 6. Yambile ngwayo, kuma kumbi akukuminyina, omu nachikapwa nge natuholoka kufuma ku Muchano kaha kulitungulula etu vavene cheka kutwala ku kwalumuka chakupihilila, kakweshi cheka na mulambu waha shiliko, kaha omu ize mingongo na mituva poko, yize yapwilenga hakamwihi na kuyikana, yikwechi makumishilo yacho china kuwema; oloze vula yeji kwizanga ha mavu, kakavulu, kuwazovesa, nakusokesa; oloze mingonga na mituva poko navakayikana, oloze ize tiliku nava kayikungulula. Kaha Ngwashingtonyekele, “Chamwaza, eyi kaha peho yina huhu nakufukununa.” Chamwaza, Ngwambachile jino Mbimbiliya nakuyitulikaho cheka. Kaha Ngwashingtonyekele, “Chamwaza, jino Nangulinga kaha...” Kaha peho ejile cheka Yayi fukunwine cheka. Chize chasolokele kapapa katatu. Kaha Ngwashingtonyekele, “Chamwaza, jino, chize chaungeji.”

<sup>15</sup> Kaha jinonyi omu Ngwakatukile, kaha Ngwashingtonyekele, “Mwata, mwomwoika Ove naufukununa eyi Mbimbiliya mangana ami ngutange haze, Ngwa...omwo Ngwayile hali ize, haze hapwile ‘mingonga na mituva poko, ize yili kwakamwihi nakuyikana, eyi kwechi makumishilo kuyiwemesa?” Ngwashingtonyekele, “Mwomwoika, Ove unangusokwelela ho yami haze?” Kaha kutala kusali. . .

<sup>16</sup> Jino, evi vimweno vya mwenemwene vyeji kwizanga chakuzeneka kunguvangulwisa. Uze jino Kalunga. Talenu? Ngwatalile kaha Ngwamwene mavu ali nakujinguluka kumeso ami, kaha Ngwamwene lya mujingulwila. Kaha haze hali lunga muthu nemanaho navwale vitoma, ayile nakujingulukaho nakukuva tiliku. Kaha hanyima yakuya chenya kusongo ya mavu; kuze vene kusongo kwejile muthu, asolokele kukenyuka, avwilile vilava, kaha apwile nakumbila mbuto ya mwila kwosena. Josena jivali jalovokele hamwe. Kaha omwo jalovokele, josena japwile napwila, mwomwo vula yatondekele. Kaha josena jasolokele nge jili nakulomba, na mitwe yayo yayindende yakunongama, “Mwata, tuma vula, tuma vula.” Kaha livu lyalinene lyejile, kaha vula yaholokele hali josena. Omwo yalingile, tiliku yayindende ya tumbukile kaha yaputukile kwamba, “Mwata va Mwalise! Mwata va Mwalise!” Kaha uze mwila waundende wa tumbukile naukiko nawa sali yoyimwe, kaha ngwayo, “Mwata va Mwalise! Mwata va Mwalise!”

<sup>17</sup> Kaha jino chize chimweno vachilumbunwine: Ize vula yeji kuholokole na hali vakwoloka na hali vakuzeneka kwoloka. Ize Shipilitu yoyimwe yinahase kuholoka mulikuliwana, kaha

vosena navawahilila muli chize: mu kakwonga, muka Kulishitu, kaha vosena hamwe. Chili chakwoloka. Oloze chili chuma muka? Ha mihako yavo hakiko nava kavatachikijila. Taenu? Ize ikiko jila kaha vanahase kuyi tachikijila.

<sup>18</sup> Jinonyi enu mwamono jino chize, hakupwa mulembwe wa muchipapa, mokomoko tiliku ya muchipapa na manona lwola lumwe lwalifwanyisako nge ya mwenemwene, manona akupita, shikaho alihata chikuma kuheta na haseteko yinahase kuhungumwisa na vaze vene vaku Sakula. Ngwashingtonyeka etu tuli nakuyoyela mu chisemunwino cha lwola, omwo vyuma evi vatela kuvinangula na kuvihanjika.

<sup>19</sup> Tachikizenu mu vase 41, ava vavali vakulihata chikuma, shikaho vakulihata mumakumbi akumakumishilo palanga Ikiye kahashile kulinga. . . Ikiye kukundamina hali limwe liuka kuvahandununa vakiko, ngwenyi, vaze va Mesodisiti mokomoko vaze va Mbaputishiti, mokomoko vaze va Pendekosita, kuvahandununa vakiko. Ikiye ngwenyi, “Ikiye mwatuma vangelo Jenyi kuvandununa vakiko.” Kangelo ali nakwiza na kuneha kuhandununa, chize chihandwa cha mukachi ka kwoloka na kuhenga. Kaha naumwe pimi mwahasa kulinga chize oloze Kangelo ka Mwata. Ikiye Umwe uze mwaya na kulweza chili cha kwoloka na chili cha kuhenga. Kalunga ngwenyi Ikiye mwakatuma vangelo Jenyi ku lwola lwa kumakumishilo. Keshi vangelo vaze vali *hano* ko, oloze vangelo vaku lwola lwa kumakumishilo, kaha navaka vakungulula hamwe. Etu tunatachikiza ngana nge echi hikwiza cha lwola lwa kwaha jino. Jino, *kangelo* mukwoloka vumulumbununa kupwa nge “muluwa.” Kaha etu twamono vaze vangelo seveni va kumauka seveni, kaha jino. . . nduma, kuhita mumauka a visemunwino.

<sup>20</sup> Tachikizenu Ikiye ambile nge mukaku kuva apwile hiya, kaha mbuto yapwile ika. Umwe, mukaku kuva apwile Ikiye, uze Mwana Kalunga, Uze ayile naku kuva Mbuto. Kaha mukakole ejile kunyima Yenyi, uze apwile liyavolo, kaha akuvile mbuto ya kuneha kuhandununa, hanyima yaku kuva Mbuto ya kwoloka. Jino, masepa, chize chinazolokanga kuhita chisemunwino hi chisemunwino etu twapwilenga navyo mukaye. Mukikovene. Kufuma kwosena kumaputukilo, echi chaputukile vene chuma chochimwe.

<sup>21</sup> Jino Ikiye ngwenyi, “Ize Mbuto ya Kalunga, lize Lizu lya Kalunga.” Yesu ngwenyi, muchihela chimwe, chize “Lize Lizu yapwa Mbuto.” Kaha mbuto yosena na yikaneha muyachi wayo uvene. Kaha jino kachi vaka Kulishitu, vaze vana va Kalunga, vaze vana va Wangana vaneza nakupwa Mbuto ya Kalunga, jinonyi vakiko vatela kupwa Lizu lya Kalunga, lize Lizu lya Kalunga lya solokele mu chisemunwino chize vakiko vapwilenga nakuyoyelanga, mwomwo ya lushiko lwa Mbuto ya chize chisemunwino. Kalunga ahanyine Lizu Lyenyi ha

kuputuka, kaha chisemunwino hi chisemunwino chapwile na Mbuto yacho, na lwola lwacho, na jishiko jacho.

<sup>22</sup> Jino, omu Nowa ejile na kusoloka, kaha ikiye apwile Mbuto ya Kalunga, lize Lizu lya Kalunga lya muze muchisemunwino.

<sup>23</sup> Omwo Mose ejile, ikiye kejile na mujimbu wa Nowa ko, echi keshi kachazachiwileko, mwomwo ikiye apwile Mbuto ya Kalunga ya luze lwola.

<sup>24</sup> Jinonyi omu Kulishitu ejile, Ikiye kejile na chisemunwino cha Nowa mokomoko Mose' ko; lwapwile lwola Lwenyi, sanda emite na kusema Mwana wa lunga, kaha Ikiye mwapwa Meshiya.

<sup>25</sup> Jino, etu tunayoyo kuhita mu chisemunwino cha Luther, chisemunwino cha Wesley (chisemunwino cha Mesondisiti), kushikumuka nakuhita muvisemunwino vyosena, kaha chisemunwino cha Pendekosita, kaha chisemunwino hi chisemunwino va nachihane Lizu lya lushiko. Kaha vathu va chize chisemunwino, vaze navasolola lize Lizu lya lushiko, vakiko vanapu Mbuto ya chize chisemunwino, kutesa nomu Yesu ambile hano, "Vakiko vanapu vana va Wangana." Chize chakwoloka. Chize kusoloka cha Shipilitu Wajila kuzata kuhichila muli vana Venyi vaze vanapu Mbuto ya Wangana ya chize chisemunwino.

<sup>26</sup> Tachikizenu, mwila ukiko umwe uze wapwile, mukakole, Satana, ikiye akuvile kulihandununa, mokomoko ize—mokomoko ize mbuto ya kuneha kuhandununa, ikiye umwe ali na mulonga wa kulinga chuma kana chaukenya. Satana akuvile mbuto yenyi kufuma kukuputuka, omwo Kalunga ahakile kwaha Chenyi chatete vathu hano hamavu. Alama, ikiye vene, tekanda atachikize nge kuze kwapwilenga—chinyingi cha muchano, kaha na cha kwoloka na cha kuhenga, kaha ikiye tele kanda ahete hali chize.

<sup>27</sup> Oloze etu twawane nge, Kalunga ahanyine vana Venyi Lizu Lyenyi kupwa Mukingo. Kupwa...Etu katweshi na Mukingo wekako kuhambakana lize Lizu lya Kalunga. Lize likiko Mukingo wetu. Kakweshi numba na mitelembi, chipwe chifwiko, chipwe chihela chakuswama, chipwe Arizona mokomoko California, mokomoko kukala chihela; kuli kaha Mukingo umwe kaha tuli nawo, kaha lili Lizu. Kaha Lizu lyapwilenga musonyi kaha lya twamine mukachi ketu, ou ikiye Yesu Kulishitu. Ikiye kaha Mukingo wetu. Kupwa muli Ikiye, etu twakingiwa.

<sup>28</sup> Numba thuhu kumuvulukila shili mukakufwelela wamwenemwene. Enu mwatachikiza ngocho? Uze na semuka kuli Kalunga, kalinga shili ko, ikiye keshi kulinga shili ko. Talenu? Kaveshi chipwe kumuvulukila yo. Mwomwoika, Ndavichi ngwenyi, "Waku kisula lunga uze Kalunga mwahona kumuvulukila shili." Nge uli muli Kulishitu, ove kaweshi

na kufwila cha shili. “Uze muka kulifukula, kachi nge vana mukoso, ikiye keshi cheka na chivezu cha shili ko,” ove kaweshi kuyifwilako. Jino, kukaye, ove unahase kupwa mukashili; oloze, kuli Kalunga, kaweshi ko, mwomwo uli muli Kulishitu. Naupwa ngachilihi mukashili nge ove uli muli Uze wakuzeneka shili, kaha Kalunga kaha Ikiye eji kumumonanga muli Hiya watwama ove?

<sup>29</sup> Jino elu lwola lwakwaha. Hakuputuka, omwo Kalunga akuvile Mbuto Yenye ha mavu na kuyi Hana mukachi kamichima ya vana Venye, chisaka Chenye, kulama lize Lizu, chize chapwile chikiko mukungo wavo kaha, kulama lize Lizu! Hano himweza muka kole kwingila na kuhokola ize mbango, ha kuva mbuto ya kuneha kuhandununa, ya kuli mbalaka na Lizu lya Kalunga. Kachi chize chapwile kuneha kuhandununa kumaputukilo, chili chochimwe. Kalachuma chize chakuhaka ku Lizu lya Kalunga, chili chochimwe mbuto ya kuneha kuhandununa! Kangwazakama ko kuli yili nakufuminyina, kachi ili nakufuminyina mulizavu, kachi ili nakufuminyina kumaswalale, kachi ili nakufuminyina ku ngolo ja milingu, kala chuma chize chakuli mbalaka na Lizu lya Kalunga, ili vene mbuto yakuneha kuhandununa.

<sup>30</sup> Nge muthu mwemana kaha ngwenyi ikiye mukakunangula Mujimbu wa mwaza, kaha mwamba ngwenyi “makumbi avikomwesa ahita lyehi,” ize ikiko mbuto ya kuneha kuhandununa. Nge muthu mwemana kaha ngwenyi ikiye ali muka kuzata, ali kafunga ka liuka kumwe, kaha ikiye kafwelela nge Yesu Kulishitu ali youmwe muli vyosena (kusali ya mujimba), youmwe zau, lelo, na haya myaka, ize ikiko mbuto ya kuneha kuhandununa. Nge ikiye mwamba ngwenyi vize “vikomwesa na chisemunwino cha chipositolo vyahita lyehi,” ize yinapu mbuto ya kuneha kuhandununa. Nge vakiko ngwavo, “Kakweshi chuma chakuvuluka nge kuka cha Ukalunga chauchiko,” ize yinapu mbuto kuneha kuhandununa. Kaha aka kaye kanazale na vyevi. Evi na vifwika na kuchoka ize tiliku.

<sup>31</sup> Etu tutachikizenu chize nge watete kukuva mbuto ya kuneha kuhandununa vamuvuluka kupwa “uze liyavolo,” kaha twatachikiza ikivene, mu Kuputuka 1. Jino twawane nge, kaha hano muno mu—mu Mukanda wa Mateu, kapetulu 13, Yesu achili nakuvuluka lika kala kuneha kuhandununa ku Lizu Lyenyi kupwa nge “uze liyavolo.” Kaha ou 1956, kalachuma na chikuva kuneha kuhandununa, cha kulimbalaka na Lizu va soneka lya Kalunga, mokomoko kuhaka kala kulumbununa chakulipwila Nechi, yize yinapu mbuto ya kuheha kuhandununa. Kalunga keshi kuya nakuvumbika chizeko. Ikiye keshi kuchilingako. Echi kacheshi kuli futulako. Echi punduvene kacheshiko. Echi chili nge mbuto ya mushitale; echi kacheshi kulifutula nakala chumako, enu kamweshi kuneha mbuto jivali hamwe, echi



chatela kupwa chuma cha mwenemwene. Mbuto yakuneha kuhandununa!

<sup>32</sup> Jino etu tunawane, omwo Kalunga akuvile Mbuto Yenya muli thepa lya Milemba, etu tunawane ngana chanehele Avele. Oloze omwo Satana akuvile mbuto yenya ya kuneha kuhandununa, ize yanehele Kena. Umwe anehele uze wakwoloka; umwe anehele uze wakuzeneka kwoloka. Mwomwo Eva evwililile kulizu lya kuneha kuhandununa, lya kulimbalaka na lize Lizu lya Kalunga, kaha chize chaputukile nge nguja ya shili kujinguluka hazevene, kaha yina jingulukanga kufuma vene haze. Kaha etu katweshi nakuchifumisa ko palanga nomu vaze vangelo naveza na kuhandununa chize chuma, kaha Kalunga mwambata vana Yenya nakuvatwala mu Wangana, kaha mwila nava kauwemesa. Tachikizenu yize milive yivali.

<sup>33</sup> Kachi twapwanga na lwola lwalunene hali ou mutwe wachihande, oloze kuveta ha chihande chivene, shikaho etu tunahase kuya na kwingila mukulombela vakakuviza muminyutu nayiza chindende.

<sup>34</sup> Tachikizenu, eji jimbuto jakulile hamwe vene mwakusungama nge omu Kalunga ambile muno hano chochimwe mu kapetulu 13, mukutanga chetu chaufuku, mu Mateu, "Echenu vakiko vakulile hamwe." Jino, Kena ayile kulifuchi lya Note, akaliwanyinyine pwevo, kaha hi mwambata; kaha Avele vamujile, kaha Kalunga akatwile Sete kumbata chihela chenya. Kaha visemunwino vyosena vya putukile kutambuka ngocho, mukachi ka kwoloka na kuhenga. Jino, etu tunatachikiza vakiko valikungulwile, umwe na mukwavo, lwola hi lwola, kaha Kalunga alingile. . . Chapwile chachipi palanga nomu Kalunga ahashile kuchenyeka.

<sup>35</sup> Oloze jikiko kumakumishilo jejile na kulovoka jose jimbuto jivali, ize mbuto ya kuneha kuhandununa na Mbuto ya Kalunga, ya lowele mitwe ya mwenemwene, kaha jize ja kukulwile muli Yuta Sakaliyote na muli Yesu Kulishitu. Mwomwo, Ikiye apwile Mbuto ya Kalunga, Ikiye apwile kuputuka cha tengeso ya Kalunga, Ikiye kapwile chuma chekako shina Kalunga. Kaha Yuta Sakaliyote asemukile kupwa mwana kunonga, afumine ku hetese, akindulukile mu hetese. Yesu Kulishitu apwile Mwana Kalunga, lize Lizu lya Kalunga lya solokele. Yuta Sakaliyote, mu kuneha kuhandununa chenya, apwile mbuto ya liyavolo, ejile kukaye, kupwa waunyengwe; chochimwe nge omu ikiye apwile kumaputukilo, Kena, ise yenya mukwavo.

<sup>36</sup> Yuta apwile kaha kuvuma liuka. Ikiye kapwile vene wakushishikako. Ikiye kapwile numba na lufwelelo ko; ikiye kachi kumusolwele Yesu ko. Oloze, talenu, ikiye akuvile mbuto ya kuneha kuhandununa. Ikiye ashinganyekele nge mwalikata usendo na kaye, na jimbongo, kaha cheka na kulikata uhilyanyi na Yesu, oloze echi chapwile chakukotokela kuli ikiye kulinga

kala chuma nge echi. Omwo lwola lwa kufwa lwejile, omwo ikiye alingile echi chuma chachipi, ikiye ahichile mufunda wakuhandununa mukachi kakuya kulutwe na kuhiluka kunyima. Ikiye atelele kuya lika mujila yize ikiye ayile, nge muka kuhungumwisa. Ikiye akuvile mbuto ya kuneha kuhandununa, ikiye esekele awane uselewa na aze mazavu amanene alikumbi lize, nava Fwaliseu nava Sanduke. Kaha ashinganyekela nge mwalipangila ivene kachihanda kamali, kaha mwapwa napuho hali vathu. Kachi chize kacheshi kulingisa vathu vavavulu kwingila mulichize kuneha kuhandununa, kweseka kuneha uselewa na muthu! Echenu tuwane uselewa na Kalunga, keshi na muthu ko. Oloze chize chikiko Yuta alingile omwo chize kuneha kuhandununa chapwile ha mutwe wenyi.

<sup>37</sup> Kaha tunatachikiza nge Yesu apwile ikiye Lizu, Mukakujila Yowano 1, ngwenyi, “Mu kuputuka kwapwile Lizu, kaha Lizu lyapwilenga na Kalunga, kaha lize Lizu ikiye Kalunga. Kaha lize Lizu lyapwile musonyi kaha lyatwamine hano mukachi ketu.” Jinonyi, lize Lizu ikiko Mbuto, kaha jinonyi ize Mbuto yejile nakupwa musonyi kaha lya twamine mukachi ketu.

<sup>38</sup> Kachi Yuta apwile mbuto ya mukakole kaha chize cha kuneha kuhandununa, na yikiko yejile na kupwa musonyi kaha ya twamine mukachi ketu muli muthu Yuta Sakaliyote. Ikiye kanda lyehi apwe na umwenemwene, lufwelelo lwa mwenemwene. Ikiye apwile nocho *ashinganyekele* nge ngwenyi lufwelelo. Kuli chuma chimwe na chipwa na lufwelelo; kaha lufwelelo lwa muka kulifwanyisa kufwelela.

<sup>39</sup> Kaha Lufwelelo lwa mwenemwene lwa Kalunga na lufwelela muli Kalunga, kaha Kalunga ikiye Lizu, kalyeshi kalinunga na chuma cheka Ko. Ize Mbimbilinya ya tulweka etu kachi nge etu natuhakako lizu limwe, mokomoko kufumisako Lizu limwe, chihanda chetu nawa nava kachifumisa mu Mukanda wa Kuyoya, Kusoloka 22:18, kapetulu wamakumishilo wakusoka.

<sup>40</sup> Chatete mu kuputuka, mu Mukanda watete wamu Mbimbiliya, Kalunga avalwezele vakiko kanda kuhokola Lize Lizu limwe ko, “Lizu lyosena vatela kuli lama,” vakiko vatela kuyoyela hali lize Lizu. Yesu, mu kachi ka Mbimbiliya, ejile nakwamba ngwenyi nge mu chisemunwino Chenyi, kaha ngwenyi, “Muthu keshi kayoyela ha mbolo kahako, oloze ha Lizu lyosena lize—lize nalilovoka mukanwa ka Kalunga.” Kaha mu chisemunwino cha kusoka mu Kusoloka, ya mbulula kuli etu, nge, “Wosena mwafumisa Lizu limwe mu Mukanda, mokomoko kuhakako Lizu limwe kuliki ko, chihanda chenyi nava kachifumisa mu Mukanda wa Kuyoya.”

<sup>41</sup> Shikangaho kakweshi kupwa chuma chimwe cha muvwimbimbi, chili cha mwenemwene, Lizu lya Kalunga lya kuzeneka ujila! Vaze vanapu vana va Kalunga, vana va Kalunga va mapwevo, vaze vakuhona kusemuka mwaya muchima wa

muthu, mokomoko ha kuli meneka mulivoko, mokomoko hachifwanyisa cha lujimiko; oloze kusemuka mu Shipilitu ya Kalunga, ha Shipilitu Wajila, kaha na kusoloka cha Lizu Livene muli vakiko. Ize ikiko Mbuto ya mwenemwene ya Kalunga!

<sup>42</sup> Uze mukakole eji kwingilanga muliuka kaha himwapwa vene wakuzama mukunangula mokomoko chumachimwe. Oloze chize kacheshi. . . Chize chinapu kuneha kuhandununa, chuma chosena chize nachitangika chize chipau cha Lizu lya mwenemwene lya Muchano wa Kalunga.

<sup>43</sup> Kaha etu natutachikiza ngachilihi? Etu ngwetu, “Chamwaza, vakiko, enu muli va kwoloka kulumbununa Echi?” Nduma, Mwane! Muthu na umwe pimbi ali wa kwoloka kulumbununa Lizu lya Kalunga. Ikiye lya Vene Muka kulumbununa. Ikiye ashikile echi, jinonyi Ikiye eji kuchilinga, chize chikiko kulumbununa chivene. Nge Ikiye ashikile Echi, jino Ikiye eji kutesangamo Echi, chize chikiko kulumbununa Chacho. Chuma chosena cha kulimbalaka na Lizu lya Kalunga chinapu kuneha kuhandununa! Mukikovene!

<sup>44</sup> Jino, nge omu Ngunambe, Yuta kapwile na lufwelelo lwa muchanoko. Ikiye apwile na lufwelelo lwa muka kulifwanyisa kufwelela. Ikiye apwile na—na lufwelelo luze ashinganyekele nge nge uze apwile Mwana Kalunga, oloze ikiye katachikijile nge uze apwile Mwana Kalunga. Ikiye kachi kachilingile ko. Kaha muthu mwalivwasana hali eli Lizu lya Kalunga kupwa Muchano, ikiye ali nalufwelelo lwa muka kulifwanyisa kufwelela. Ngamba ya Kalunga wa mwenemwene mwaka kakachila kuli lize Lizu.

<sup>45</sup> Maufuku amandende hanyima aha, mukakuzata umwe, waku Arizona, wa munene, waha shikola ya puho hano muno mu mbongi, ejile kuli yami kaha ngwenyi, “Ngwa—Ngwakutonda kukuzamikisa ove hali chuma chimwe” (Ngwambile ngwami. . .) “omwo ove nauwana lihanya.”

Ngwambile ngwami, “Eli likiko lihanya Ngunatachikiza. Twaya jino hano.”

<sup>46</sup> Kaha ikiye ejile, ikiye ngwenyi, “Mukulwane Branham, ove uli nakweseka. . . Ngwafwelela ove uli wakushishika kaha uli wa muchano, oloze ove uli na kweseka kujimbula kukaye Kunangula cha chipositolo.” Kaha ngwenyi, “Chize chisemunwino cha chipositolo chakuma na vapositolo.”

<sup>47</sup> Ngwambile ngwami, “Chuma chatete na Ngukuhula ove, ndumbwami walunga, ove wafwelela lize Lizu lyosena lya Kalunga lya kuhwimina?”

Ikiye ngwenyi, “Eyo, mwane, Punduvane.”

<sup>48</sup> Ngwambile ngwami, “Jino, unahase ove kungulweka yami mu Lizu haze chisemunwino cha chipositolo chakumine? Jino, ove ngulweze yami haze hali echi, Nangufwelela nayove hamwe.” Kaha Ngwambile ngwami, “Uze muka kusoneka chipositolo, uze

apwile na jisapi ja ku Wangana, ha likumbi lya Pendekosita omwo chisemunwino cha chipositolo va chijimbwile, vakiko ngwavo, ‘Malunga va ndumbwetu, natulinga muka mangana vatulwile?’ Ikiye ngwenyi, ‘Alumukenu cha kupihilila, muthu hi muthu, kaha vamiyimike mu Lijina lya Yesu Kulishitu, chakuneha kumikonekela milonga yenu ya shili, kaha enu namutambula wana wa Shipilitu Wajila, mwomwo lushiko kana luli kuli enu na kuli vana venu, na kuli vosena vali kwakusuku, na vosena veshovo vali kwakusuku mwata Kalunga ketu mwakasanyika kwiza kuli ikiye.’ Jino, kaha Lizu nalilipika livene ngachilihi?”

Use muthu ngwenyi, “Ngwapwanga na ufuku waupi ututa.”

Ngwambile ngwami, “Ngwashinganyeka ngocho, nayami nawa.” Talenu?

<sup>49</sup> Jino enu namungulweka yami, nge Kalunga achili nakusanyika? Kachi nge Kalunga achili na kusanyika, kaha jinonyi chisemunwino cha chipositolic chichili nakuyoya. Pundvene! Vavavulu vosena vaze Mwata Kalunga ketu mwakasanyika, asanyikile lyehi, mwakasanyikanga, vavavulu vosena Ikiye mwakasanyika, nachikapwa lika chisemunwino cha chipositolo, mwomwo Yesu Kulishitu ali youmwe zau, lelo, nahaya myaka.

<sup>50</sup> Jino, etu tunawane lelo ngana nge kuneha kuhandununa vanachikuwu muvisemunwino vyosena. Kachi echi chapwile chachashi kumbata echi mu minyutu teni mokomoko fifiteni, Nanguchilinga echi, oloze enu kamweshi ko. Kuhita muvisemunwino...Etu tuli tuvosena, etu vavavulu vosena tweji kutanganga Mbimbiliya. Kaha jino nge omwo Yesu ejile, kaha Ikiye awanyine kuneha kuhandununa, kulimbalaka. Ikiye apwile lize Lizu lya solokekele, Ikiye apwile kulumbununa cha Lizu lya Kalunga, mwomwo Ikiye ngwenyi, “Tondenu mu Visoneka, mwomwo Mujikiko enu munashinganyeka enu kupwa na Kuyoya cha Haya myaka, kaha jikiko kaha vene jili nakwambulula Yami.” Yove uze. Ikiye—Ikiye apwile uze kulumbununa cha Lizu. Kaha wose mwana Kalunga wa lunga na wa pwevo asemuka cha chihya wa chisemunwino chino ali kulumbununa cha Lizu. Enu munapu mikanda ya kusoneka, ya kutanga kuli vathu vosena. Eyo.

<sup>51</sup> Tachikizenu, Ikiye ngwenyi, “Veji kulifukula kuli Yami chamokomoko, kutangisa Kunangula cha kuneha kuhandununa. Veji kulifukula kuli Yami chamokomoko, kutangisa Kunagula cha kuneha kuhandununa, kunangula cha muthu, jishimbi ja muthu, kutangisa chize kupwa nge Lizu lya Kalunga, ohonyi chize kacheshi na chuma na Lizu lya Kalunga.”

<sup>52</sup> Tala, chisemunwino hi chisemunwino cheji kulovolanga chimbuto chamuyachi kana, visemunwino vyosena vyeji kulinganga muze, kaha chetu kacheshi naha ha kulipekela.

Etu tuli na chuma chimwe, kaha na chisemunwino chachinene kuhambakana visemunwino vikwovo kuvihaka hamwe, mwomwo echi chikiko kukuma cha mujimbu wakuvuluka kano kaye. Echi chikiko kuneha kuhandununa chachinene chize kanda lyehi chipwenga ho hamavu, chili hano ha kaye lelo. Kuneha kuhandununa mu visemunwino vikwavo cha vafumishile kufumisa mu muchano na kuyoya cha Kalunga, kuvatwala ku makombelo. Lelo, Yesu ngwenyi mu Mateu 24:24 nge na chikalihata, na kuhungumwisa navaze vene vaku Sakula kachi chahashile. Kuhanjika ha kuneha kuhandununa! Mamalelo, chili cha kukenyuka. Satana ali mukachi ka vathu, kaha ali vene nge mukakulinagula, nge Ndotolo va Chimbanda, nahase kutangisa lize Lizu mwa kukupuka mwosena. Mukiko ambile Yesu. Oloze mutale ikiye, kuze nakukapwa kumwe. Ngwenyi, “Chamwaza, jino, chize kachapwile cha echi ko.” Mamalelo, eyo, echi chili, nawa, talenu, mwomwo Kalunga ngwenyi mukiko chapwile.

<sup>53</sup> Tala omwo echi chalingile. Chize chochimwe kuneha kuhandununa cha nehele utenu wa Kalunga ha makumbi a Nowa, omwo Kalunga atumine kapolofweto Kenyi na kunangula nge mulangi wa kakahya, asanyikile vathu valumuke cha kupihilila, kaha chize kuneha kuhandununa chalovokele. Kahajino Satana alingile ika? Kwiza hanyima, muli Hamu, kuputuka kuyitumba cheka. Chize chili chakwoloka vene.

<sup>54</sup> Kaha Mose ejile, uze kapolofweto wamunene, kuneha vana va Isalele kuvalovola na kuvatwala mupambo. Chasolokele ngachilihi? Mose, uze kapolofweto wamunene wa Kalunga, kuvanehela vakiko Muchano wa kuzama, Muchano wa kwinjikiza. Ikiye ali wanyine na Kalunga. Kalunga enjikijile nge na liwane na Ikiye. Omu vapwile vase vathu kuyima kuze, vase tupilishitu, kaha vapwile na chize kuli fukula chavo, thato javo, thato javo jakuli fukula na vyuma vyosena, oloze Mose kulumbununa cha kwinjikiza cha lize Lizu. Kanda kuvulyama chizeko! Mose apwile kulumbununa cha Kalunga ha lushiko Lwenyi. Ikiye ngwenyi ikiye mwachilinga echi; ikiye apwile kulumbununa cha Kalunga.

<sup>55</sup> Chasolokele ngachilihi? Lize liuka lya putukile kulovoka muze mu Ejipitu, ha mahiji makumbi amandende kaha, kaha chasolokele ngachilihi? Satana avakavangijile na kuneha kuhandununa muli muthu, Kena wamuchivali, uze apwile Mbalamu, kaha ikiye akuvile kuneha kuhandununa mukachi kavo. Etu tunatachikiza chize nge chakwoloka. Uze Mbalamu, kutangisa cha Mbalamu, nge “etu tuli vosena vovamwe, etu tweji kuzachila Kalunga youmwe mweji kuzachilanga,” muchikuku, ikiye olokele, mwomwo ikiye alambwile mulambu uze Kalunga alambwile; khuji ja mikiko seveni, vangombe vajitoka va seveni ha tumenga seveni, kaha alombele kuli Kalunga youmwe mwakukupuka nge muze vene Mose alingile

muze mupambo, chochimwe vene. Oloze vakiko kavapwile chochimweko! Kuneha muvwimbimbi kuli etu ocho nachikeza nakuhita. Kuze kwapwile, cheka, Kena asolokele mu. . . muli ou muthu Mbalamu. Kaha kuze kwapwile Kalunga kusoloka muli muthu Mose, kulumbununa lize Lizu Lyenyi kuhichila muli muthu, kulilingisa Lyavene kumutachikiza, lushiko Lwenyi, muli muthu. Kaha chize kuneha kuhandununa cha katukile.

<sup>56</sup> Shikaho mukiko chalingile na mulwola lwa Yuta, ikiye ejile kuze na kuneha kuhandununa chenyi.

<sup>57</sup> Kaha, anukenu, eyi shili ize vaze vathu vafwelelele, nge “etu vosena tuli vovamwe, etu tweji kulifukula Kalunga youmwe, etu twatela kupandama kuliuka lyolimwe, etu twatela kupwa vathu vovamwe,” nge shili yava Isalele kanda vayikonekele! Yesu ngwenyi, Ivene, “Vakiko vosena vali va kufwa!”

<sup>58</sup> Vakiko vanongele, vosena oloze vatatu vavo. Vaze vakiko vamwe vakakachilile na kufwelela lushiko. Omwo vakuzeya ngwavo, “Etu katweshi kuhasa kutambula lize lifuchiko, kaha echi china toho chikuma kuli yetu,” kaha na vya ngocho, Keleve na Yoshiwa va sangumwine vathu, nakwamba ngwavo, “Etu tunahambakana kumbata chize, mwomwo Kalunga achishikile kuli etu! Kangwazakama kala kufumbukila chiliho!”

<sup>59</sup> Kaha etu hanga twanangula kuka cha Ukalunga, na lujimiko lwa Shipilitu Wajila, kaha hanga twapwa na Ngolo ja Kalunga kutuhandununa etu kufuma kuvyuma vya mukaye. Kalunga ahanjikile ngocho! Chize chisemunwino chipositolo kanda lyehi chikume, kaha kacheshi kukakuma ko, na chikatwalilaho lika.

<sup>60</sup> Shikaho, etu tunawane muka kukuva kuneha kuhandununa wa mwaka. Kaha anukenu, nge ize shili kanda lyehi vayikonekele. Jino, ndumbu walunga, kachi nge kanda lyehi vayikonekele, kaha nyiholili jino omwo ize—ize mbutu ya mwenemwene ya muvisemunwino yili nakwiza hamwe?

<sup>61</sup> Tachikizenu echi chuma chachinene chize Mbalamu alingile, chatwalileho na kutwalilaho, kaha makumishilo akuminyinyile mu kwiza cha—Yuta Sakaliyote, na Yesu. Chapwile chuma muka? Yuta na Yesu vapwile vene chifwanyisa cha Kena na Avele. Nge, omu Yuta apwile muka kulifukula, mukiko apwile na Kena muka kulifukula. Kena atungile kamenga ka kulifukwila, ikiye ahanyine mulambu, ikiye alifukwile Kalunga, ikiye apwile wa kushishika muli chize nge mukwavo omu apwile. Oloze, mwamono, ikiye apwile nakusoloka cha Lizu omu lya pwile. Ikiye ashinganyekele nge apwile Alama na Eva valile apo jimwe mokomoko muhako umwe. Kaha Kena. . . Avele, ha kusoloka, kutachikiza nge chapwile chakuhenga; chapwile manyinga avafumishile muze, kaha ikiye alambwile mukoko. Kaha Kalunga avulukile nge wana wenyi wakwoloka. Kahajino ikiye akwachile lwisu kaha nakweseka kujiha ndumbwenyi. Kaha omu ajihile ndumbwenyi haze vene hakamenga youmwe

haze mulambu wenyi wafwilile, mukoko afwilile hali uze kamenga, chochomwe na Yuta Sakalinyote kumukeshala Yesu Kulishitu hali uze kamenga ka Kalunga, na kumujiha Ikiye chochimwe nge muze Kena ajihile Avele. Mwomwo, Kena apwile mbuto ya kuneha kuhandununa.

<sup>62</sup> Kaha chochimwe na Mbalamu, kapolofweto wa kukumuna, lunga atelete kutachikiza kanawa. Kaha Kalunga amuhuhumwine ikiye kuhichila muvinjikizo na vikomwesa, kaha na chimbulu kuhanjika mulilimi lya kuhona kutachikiza, kaha ikiye chochimwe atwalileho nakuya. Ikiye apwile wakusemuka kupwa nge—nge muka kukuva mbuto ya kuneha kuhandununa.

<sup>63</sup> Kaha kachi Yesu apolofwetele chino chisemunwino kukuminyina mu kuneha kuhandununa chachinene kanda chipweho lyehi, chisemunwino cha liuka lya Lauchiseya, salusalu, vana tulika Ikiye kusali ya liuka, kaha nachipwa ngachilihi chuma cheka oloze chize: Kuneha kuhandununa! Punduvene, echi chili. Echi nachikumina mu chize chisemunwino.

Kaha apwile Kena na Avele cheka ha Kavali.

<sup>64</sup> Jino tachikizenu, nge omu chapwa, washi washi omu Yesu ayile, ayile Mwilu, Shipilitu Wajila vamutumine. Ize ya pwile Mbuto, ika Kuhana Kuyoya ku Lizu, nge omu twahanjikanga ufuku wa zau. Ikiye Umwe uze eji kuyoyesanga lize Lizu. *Kuyoyesa* chalumbunukila “kuneha ku Kuyoya.” Uze Shipilitu Wajila wamwenemwene eji kuneha Kuyoya ku Lizu lize Livene. Kalyechi kuneha Kuyoya ku jishimbi javathu ko, Kalyeshi kulinga chizeko, mwomwo Chize kacheshi chumako shina jishimbi ja vathu. Chize chili Kuyoya cha Lizu lya Kalunga, mwomwo Ali Kalunga. Talenu? Kaha Eji kuyoyesa uze Mujimba.

<sup>65</sup> Jino tachikizenu, nge muze vakiko valingile. Kahajino, kaha ize Mbimbiliya ngwayo, kaha—kaha Yowano ahanjikile kuli vana venyi kaha ngwenyi, “Vana vavandende, enu mwevwa lyehi uze mukakole wa kulishitu uze atela kwiza muli kano kaye,” ngwenyi, “ou ali lyehi mukaye, kaha mwakazata muli vana vakulikanga.” Jino, chize chapwile tele munahichi lyehi na myaka seti kufuma haze ejile Shipilitu Wajila. Etu tunawane, nge omwo Shipilitu Wajila ejile, ize Mbuto ivene, ivene ya Kuhana Kuyoya ku Mbuto, jinonyi hakiko hejilile chize kuneha kuhandununa cheka. Kaha tachikiza, haze vene yayile. Chapwile . . .

<sup>66</sup> Lize Lizu livene va nalinjikiza, vase tupolofweto vaku mwaka va nenjikiza lize Lizu lya Kalunga kupwa lya Muchano nge omu vakiko vayile. Kachi nge muthu atangaho lyehi *Kasulu ya Nicaea*, mokomoko yize kanda *Kasulu ya Niceea*, vakiko makumbi a fifiteni amanyinga amilingu, omwo vakiko lizavu lya vaka Loma vatondele kuneha na kutunga chikungulwilo kufuma

muliuka. Tupolofweto vejile, va kufwika mulilambu lya mukoko, kulya mafwo, kaha emanyinyine lize Lizu! Oloze lya lingile chumamuka? Echi chapwile nge Kena, echi chatela kupwa nge Avele, umwe atela kufwa. Punduvene, chize chalingiwile. Kaha lize Lizu lya jimblishile kufungulula Chacho mukachi ka vathu, kaha vakiko vosena va votele na kufumisa Lizu lya muchano na kumbata kunangujola cha kuneha kuhandununa cha liuka lya Katolika lya kumaputukilo. Vakiko vahakileko popu, vahakileko va mbishop, vakiko vahakileko *echi, chize, na vyeka*. Vakiko vafumishileko ulumbunwiso uvene wa muchano wa Petulu, kaha na—na—na Maliya, kaha—kaha vosena vyacho; kaha nakutunga makombelo, kaha katungile nachimwe chauchi oloze shina vilika vya vakashili kufumisa muli vaze vavuluka kupwa kulifukula cha vaka Kulishitu. Chuma muka echi? Mbuto ya kuneha kuhandununa! Kaha kulivwasana, kulivwasana, ha lwola lwa tete ha mavu, liuka. Chuma muka? Ize mbuto ya kuneha kuhandununa ize yaputukile kukuva, chumachimwe kuhakako, kumbata nakufumisa.

<sup>67</sup> Hiya evwaho lyehi, muli ize Mbimbiliya, kuhona kulya nyama ha Chitanu? Hiya evwaho lyehi, muli ize Mbimbiliya, chumachimwe nge kusapwila muchihela cha kujimika, kwingisa? Hiya evwaho lyehi vyuma ovyo, nge “Vulye, Maliya” mokomoko chumachimwe? Hiya evweho lyehi vyuma vimwe vya kupola vya kulifwana na evi vya va Kakufumbukila katolika, nawa? Ndeho kayeshi kuvuluka ketulu ngwayo yinatachila. Chakwoloka! Chili, kupaya mwamundende chinapu kupaya mwosena! Hiya evwaho lyehi Kalunga kuzata na lizavu? Ngulweke yami lwola lumwe nge umwe alikungulula lyehi kaha atwame wakuyoya. Vakiko vafwile haze vene, kaha kavakatukile chekako! Elu hi lwola luze chuma chimwe chasolokele, hi lwolwa lwa Kalunga kutambuka. Echi cha jihile kufungulula mukachi kava vathu.

<sup>68</sup> Chuma chochimwe chinalingika na lelo. Vakiko vanajihili chize kufungulula, ngwavo, “Mamalelo, uze mukuta wava kakulyalanga vakakujila, kuze kakweshi chuma kuli vakiko ko.” Kaha, mwomwoika, chili kuneha kuhandununa! Liwane na Lizu meso na meso kaha umone chumamuka Chize, utale kachi Kalunga mwalumbununa Lizu Lyenyi Ivane. Kalunga ali wakutela ku malwola kufumisako vana va Apalahama. Amena.

<sup>69</sup> Lize Lizu vana linjikiza kanawa kuli vaka Kulishitu va kumaputukilo, omu Kalunga avayoweke kufuma muvyuma vyosena, na mumisongo, kaha vapwile na tupolofweto, kaha vakiko vahanjikile mumalimi, valumbunwine, kaha vahanyine mijimbu ize yejikijile kupwa vene muchano lwola lwosena. Oloze mumeso avathu vosena lize Lizu lya Kwinjikiza, vathu vali va votele na kulifumisa Ko, na kuvotela chikungulwilo. Ikiye naye ya mazavu osena.



<sup>70</sup> Vosena vavali vanakulu lyehi jino. Vakiko vaputukile kuneha mbuto cheka. Yikiko ya fwile, oloze ya likolezezele cheka mumakumbi a Luther, nge omu tunejiva kufuma mumujimbu wa hano waku kulya chachimene. Ya likolezezele mulikumbi lya Luther. Jino vakiko valingile ika? Kufuma vene haze uze chindume afwile, vakiko vatungile lizavu.

<sup>71</sup> Ya likolezezele. Kaha cheka na mumakumbi a John Wesley, omu va Angilikani, na kusingiwa chosena chahya myaka na vyuma vyosena vya kashile echi nakutwala kuchihela chakuheta na haseteko yakuligisa nge myono yosena navakayilwila, kaha chosolokele ngachilihi? Kalunga akatwile muthu wa lijina lya John Wesley, kaha ajihile vyuma vyosena. Kaha kufuma haze afwile ikiye, ikiye na Asbury na vakwavo, chasolokele ngachilihi? Vakiko valivwasanyine, kaha jino tuli namiyachi yava Mesodisiti. Kahajino kwejile mukwavo mokomoko weka, Alexander Campbell, John Smith, kaha na chuma chikwavo.

<sup>72</sup> Makumishilo, kwalovokele va Pendekosita, kulovoka kufuma mulivakiko. Chasolokele ngachilihi jino? Vakiko valahile kanawa, chuma muka chamihonesele enu? Enu mwayile cheka muma lova mwomumwe muze mwafumine, muze vene mwakusenena, kukinduluka ku kuneha kuhandununa na kutunga mazavu, enu hiku livwasana ha Lizu. Kaha lwola lwosena Kalunga mwatuma chumachimwe cha chihya, enu kamwachitabwileko. Chize chakwoloka! Kuneha kuhandununa cheka! Kaha, tachikizenu, nge muze Ngwambile likumbi likwavo, chize chihungu chatete cheji kulovokanga kufuma kumwiji, cheji kulovokanga mumafwo na kukanduka kusangu, kajino kukinduluka cheka mumutango, na kulovoka. Kaze ka chihungu kandende ka tiliku kasolokele nge linona livene, kaha twashinganyekele nge mukiko, oloze omu mufukununa, muze kamweshi linona numba limweko. Muli kaha chakukafwa linona kukola, kaha chechi kufwanga nawa, kaha chize kuyoya cheji kuya nakulovoka muli chikiko kaha hinachiya nakupwa linona. Tachikizenu, shikaho vakiko vasanyikile mauka aze vakuvile. . .

<sup>73</sup> Etu tunawane lelo nge awa vavuluka ngwavo mauka etu, na kuli awa ma Pendekosita, etu twalovokele na kuya, etu katwasuulukile, etu twahashile na kutunga mazavu etu akulimanyina. Vyosena vyalovokele, etu twahashile kupwa na *echi*, etu twahashile kupwa na *echi*, etu twahashile kupwa na lizavu likwavo. Kaha ou mukwetu akatukile, ngwenyi, “Ikiye ali nakwiza ha livu litoma.” Mukwavo ngwenyi, “Haa-aa, Ikiye ali nakwiza ha kavalu utoma.” “Chosena chakwoloka, etu natuya nakutunga mazavu avali.” Talenu, chuma kana echi? Kukuva kuneha kuhandununa! Omu Ikiye mweza, chipwe chipwenga ngachize, Ikiye mwakalumbununa Lizu Lyenyi Ivene omu Ikiye mweza. Echenu tuvandamine luze lwola. Kwatenu echi. . . Kujanjika hali chize, enu kamwatambula na Mujimbu wa likumbi lya lelo. Lwola lwosena kwinyika kuchuma Kalunga

mwakaya nakulinga, mokomoko chuma Ikiye nalingi, kaha kuvulyama chuma Ikiye ali nakulinga. Muze mukiko tuli nakumbata kuneha kuhandununa.

<sup>74</sup> Jino etu tunatachikiza nge lelo mauka etu, osena—osena mauka etu a kuvilile ku peho, kaha ali na kwaha kakundukundu. Etu katweshi nakupwa na kuliwana cha kulomba, etu katweshi na kutanga nge omu etu twapwilenga. Ukalu uli hali? Etu tunashikumwisa mikeleko yosena hamavu. Tala, nakuli mauka etu awa achi Pendekosita, mwatweme na kuzala mapwevo vakuteula chikambu. Chize kachapwilengako nakuchitavilako. Na vihanga vya kukwita ulombo, na kuvwala vyala vya kukwita ulombo, na vya kufwana ngana; mbata lunga kufuma hano na... nge Rickys na vyangocho; wa kumbata kapapa katatu mokomoko kawana, kaha vakakuzata muliuka; mamalelo, ocho kuneha kuhandununa! Chili majilo! Vakiko navachilinga ngachilihi? Kalunga keshi kuhasa kupwa na ngochoko Muliuka Lyenyi, vakiko vatela kuya ku lizavu nakumbata echi. Umwe ewwile woma kuhanjika chuma chimwe hali echi, 'mwomwo vakiko navavatapula kuvafumisa mu lizavu. Kalunga, atuhane malunga vase vanahono kulinunga nachuma cheka shina na Kalunga na Lizu Lyenyi, lize nalyambulula Muchano hali echi. Chize chikiko vene chili nakutondewa. Chuma muka etu tunalingi? Twa kuvile kuneha kuhandununa. Etu twakuvile mujipeho, kaha jino etu tuli nakwaha kakundukundu.

<sup>75</sup> Tachikiza nge vakiko vali jino vakupwa vakukunguluka hamwe kuvakungulwila kukuwema. Enu mwatachikiza, Yesu ngwenyi, “Chatete, vakungulwilenu vakiko hamwe, vakasenu mukuta, kaha hakenu yize mikuta ha mulumba umwe, kaha Nanguka yocha.” Kuze kuli mukuta umwe waundende vavuluka ngwavo Mesondisiti, Mbaputishiti, Pulishiteliyani, Luteleni, vakiko vosena vana vakungulwila hamwe mu Kasulu ya Mauka amu Kaye. Chuma muka echi? “Vakungululenu vakiko chatete!” Hallelujah! Enu munatachikiza? Ikiye kukungulula mwila chatete, kufumisa vakiko muli tiliku, kuvahandununa vakiko: “Kuvakungulula hamwe na kuvocha.” Vakiko vosena navaka vocha na kusopesa cha Kalunga, ha kukuva kuneha kuhandununa mukachi muli vathu, vyuma vize vakiko... Kupwa na kufwana kumukomoka kalunga, kaha hi kukana Ngolo jacho, kukana Lizu, jino hikukakachila kujitato jakulifukula, vya kunangujola vya kwingisamo kuli umwe, kweseka kuhaka mu Lizu lya Kalunga. Kakeshi kuzachiwako. Chili kuneha kuhandununa.

<sup>76</sup> Ngwatetumukanga lelo, nge omu chapwile, nauze kapolofweto wamunene wakumyaka, Amosi, omwo ejile na kushikumuka mumbongi, ngwenyi, “Yami kangweshi ngukapolofwetoko, chipwe kupwa mwana kapolofweto. Oloze nge ndumba mwakumbwoka, hiya mwahona kwivwa woma?” Ikiye ngwenyi, “Nge Kalunga mwahanjika, hiya

mwahasa shina kupolofweta?” Ikiye apolofwetele kusopesa hali chize chisemunwino, ngwenyi, “Uze vene Kalunga enu muli nakuvuluka kuzachila yikiye mwakamweyeka.”

<sup>77</sup> Enu namuhaka, ha tepu, kaha enu munanuka. Uze vene Kalunga uze. . . Ava vathu jino vaze vali nakukungulula chize kwaha chachinene chosena cha—cha Kasulu ya Mauka a Kaye, kaha nauya na kupwa na kwingila muyikiko. Enu kamweshi kuhasa kutwama kusali yaechi. Enu muli nakuya nge muthu halwenyi kulovokamo, mokomoko enu kuya nakwingilamo. Kakweshi kuya na kupwa na chihela chahakachi ko. Echi nachikapwa lusona lwa uze chisuma. Muthu naumwe pimbi mwalanda mokomoko kulandulula, kuvanga kaha uze ali na lusona, mokomoko ali na kuneha kuhandununa. Jino, twama kusali yachechi! Lovoka kusali yachechi! China echi! Twama kwakusuku nechi! Uze Kalunga muli na kuvuluka enu kuzachila mwaka myenyeka. Uze Kalunga wamunene wa zangi uze keshi. . .

Ngwenyi, “Chamwaza, Yesu alombele nge etu tupwenga umwe.”

<sup>78</sup> Jinonyi na Ikiye nawa ngwenyi, “Namutambuka hamwe ngachili, vavali navatambuka hamwe, ’kuvanga vakiko vanalivwasana?” Ikiye ngwenyi “umwe,” nge Ikiye na Tata vapwa Umwe. Kaha uze Tata apwile Lizu, kaha Ikiye apwile Lizu linasoloka. Ikiye apwile “Umwe” na Tata, mwomwo Ikiye apwile kusoloka cha Lizu lya lushiko lya Kalunga. Kaha mukiko chili na lelo, mokomoko mukala likumbi. Eyo, mwane. Uze Kalunga apwa Umwe. Ikiye atonda etu tupwe umwe.

<sup>79</sup> Kaha *echi* nachipwa umwe, *echi* umwe kukana kusema cha sanda, kaha *echi* kacheshiko, kukana kuka cha Ukalunga, kaha *echi*, *chize*, vosena kwingila mu ukalu wa ngachize? Vamwe muli vakiko kavafwelela na muli Kalunga, kufwelela nge apwile Mwana Kalunga; kufwelela nge mwana Yosefwa, *kumuvuluka* Mwana Kalunga. Punduvene. Uze pasa ya Luteleni, vaze va Zwingili, kufwelela nge, Ikiye apwile vene lunga wamwaza kaha. Vaze Vakakulishitu va Sayasi ngwavo Ikiye apwile kapolofweto, kupwa nge muthu kaha, Ikiye kapwile na Ukalunga ko. Mwomwoika, kachi Ikiye kapwile na Ukalunga ko, Kaha Ikiye napu mukaku hungumwisa wamunene apwile mukaye. Ikiye apwile Kalunga mokomoko Ikiye apwile kapwile nachumako. Ikiye apwile na Ukalunga! Ikiye Kalunga, Ivane, uze valingishile kupwa musonyi mukachi ketu, muli uze muthu Mwana Kalunga. Punduvene, mukiko apwile Ikiye.

<sup>80</sup> Jino etu twamono kuneha kuhandununa chineza muno. Etu tunatachikiza nge chili hano, naumwe pimbi mwahasa kukana echi. Mamalelo, yami! Tachikizenu jino. Ikiye mwaya na kwenyeka lize lizavu lize valivuluka vakiko kuzachila Kalunga. Enu mwachitale echi.

<sup>81</sup> Kalunga atumbile Mbuto Yenye. Nguli nakusoka jino, 'mwomwo luli lwola lwa kuputuka mukana wakulombelela. Kalunga atumbile Mbuto Yenye, kaha Mbuto Yenye ikiye Kulishitu. Nanguya nakunangula hali chize mumaufuku amandende, kuze nasakula Kalunga kuhaka Lijina Lyenyi, nge Mwata neteva, pamo ha kulya chachimene chimwe omwo omu Nangukapwa naka lwola kakandende. Tala, Ikiye Jila kaha yauchinyino. Ikiye kaha ukawenyi Twamina wangolo wa muchano. Ikiye kaha ukawenyi Kalunga wa muchano, kakweshi vekeko kusali ya Ikiye. "Yami Kalunga, kaha Kalunga ukawenyi," Ikiye ngwenyi. Yesu ngwenyi, "Elu lunapu lushimbi: Mwivwenu ikiye, enu va Isalele, Yami ngu Mwata Kalunga kenu, Kalunga umwe kaha. Yami Vene. Mwomwoika namutondela weka mukwavo? Weka mwekeza. . . Yami nguneza mu Lijina lya Tata, kaha kamute kungutambula Yami. Oloze weka mwekeza mu lijina lyenyi, kaha enu na mumutambula." Kaha vachilingile ku Nicaea.

"Ove uli muka Kulishitu?"

"Yami nguli muka Mbapatishiti."

"Ove uli muka Kulishitu?"

"Yami nguli muka Pendekosita."

"Ove uli muka Kulishitu?"

"Yami nguli muka Mesondisiti," lijina likwavo.

<sup>82</sup> Oloze omwo nachiza kuli Lijina lya "Yesu Kulishitu," vakiko veji kutambuka kwakusuku kufuma kuli Echi nge omu navahashila, vakiko kavatondele kulinga chuma chimwe Nechi, mwomwo Ikiye ali lize Lizu kaha lize Lizu lyeji kulijimbula Livene. Tachikizenu, Jila yimwe kaha ya kuchinyina! Ikiye Loza ya Shilone, Mbimbiliya ngwayo mukiko Ikiye apwile. Mutwe wosena (mu Mbimbiliya) Kalunga apwa Yesu Kulishitu. Ikiye apwile Alafwa, Omenga, Kuputuka na Kukumisa; Ikiye uze Apwile, Aliko, kaha Mwa Keza; uze Mwiji na Mwana Ndavichi, mwosena muvali ali Mwiji na Mwana Ndavichi; lize Litota lya Chimene, ize Loza ya Shilone, Liya lya Chinema, uze Alafwa, Omenga, Tata, Mwana, Shipilitu Wajila, vyosena muli Yesu Kulishitu! Ikiye apwile kuzalilila cha kusoloka cha Kalunga Yehova kupwa musonyi na kutwama muli etu. Mukiko vene Ikiye apwilenga.

<sup>83</sup> Ikiye apwile Loza ya Shilone. Vakiko valingile ika na Loza ya Shilone? Vakiko vayi shindakanyine Ize, kuyichika Ize, mangana vambatemo lupengopengo kufuma muli Chize. Ize loza ya mwaza yatela kuyishindakanya numba kufumisamo lupengopengo muli ize loza. Chize chikiko Kuyoya chamwaza, kanda lyehe kupwenga kuyoya chapwile ko nge Echi, oloze kuvanga Ize vayishindakane ku Kavali.

<sup>84</sup> Talenu, vakiko vambachile chize—chize kuwavisa cha Loza ya Shilone na kuchihaka hali Alone, ikiye atelele kupwa wa kuwavisa nachize mangana ayenga kulutwe lwa Mwata muchihela chakujila, mu lihina lya kujila. Ikiye atelele kupwa wakuwavisa na Loza ya Shilone, mangana ayenga naku mwangila ha chitwamo cha keke ha mwaka ha mwaka. Kaha chize kuwavisa chatela kupwa hali ikiye, livumba lya mwaza kuli Mwata, kulumbika manyinga a mukoko kulutwe lwenyi, hanyima yayikiye nawa vana musapwile na uze mukoko. Njiloma na jingezo jinguluku chikuto chenyi, ikiye atelele kutambuka jitambo jimwe, kuhema “wajila, wajila, wajila kuli Mwata.”

<sup>85</sup> Tachikizenu, Ikiye uze Loza ya Shilone, lize livumba lya mweza, chize Kuwavisa hali watu Jenyi. Enu kamweshi kwiza kuli Ikiye na jishimbi javatu, na kala chumako, oloze na kuwavisa cha Loza ya Shilone, lize Lizu. Ikiye nawa ali Liya lya Chinema.

<sup>86</sup> Jino, naupwa ngachilihi wa kulalika? Naupwa wa kulalika nge naunwa musoji wakufuma ku liya yakuchika, naupwa wakulalika. Va ndotolo veji kuuzachisa na muji laboratories. Mbata muthu uze ali na kuli zakamina kaha vanafutwisa, mokomoko pwevo, uze ali nakwivwa nge mwaya na kuzaluka, ali nakutambuka hamavu kaha na kutambakana, ikiye ali uteteweji, ndotolo mwambata musoji wa kulalika waundende kufuma muli liya naku wingisa mulivoko lyenyi chipwe hamwe mumushisa, mokomoko muli, kaha navamuholesa. Naupwa mumujimba wenyi wosena ha katando. Oloze haze vene chize kulalika nachifwamo, haze vene nachiza cheka, kuhambakana namuze chaputukile.

<sup>87</sup> Oloze na Ngumilweza enu, masepa, chize chinapu chifwanyisa cha Kulalika chamwenemwene kufuma ku Liya lya Chinema ize Ngwatachikiza. Ikiye apwa Liya lya Chinema. Ikiye vamuchikile kuze ku Kavali. Ikiye va mulemekele ha milonga yetu ya shili, ku mikiki Yenye etu twahindikile. Muli chize, chize kuchika chakufuma mutemo, Ikiye apwile Temo. Ikiye apwile Temo yayinene ize yasokaho lyehi, apwile Liya lya Chinema, kaha uze wamunene Loza ya Shilone. Jino Ikiye ali hano ufuku uno, kwimana mukachi ka Melu na mavu, Ngwafwelela, Ikiye mukiko apwile lwola luze, mangana, ku—kumbata nakufumisa shili ja kaye na kuneha kuhinduka cheka ku kaye. Kaha Mbimbiliya ngwayo Ikiye ali youmwe zau, lelo, na haya myaka.

<sup>88</sup> Sepa, omu Kalunga alwekele Mose, muze mupambo, uze apwile mu—muvwimbimbi wa Ikiye, kukatula uze linoka wa unengu. Kaha unengu wemanyinako shili vana sopesa, uze linoka kwimanyinako, uze *linoka wa unengu* kwimanyinako “shili vana sopesa lyehi.” Nge, *unengu* wapwa “kusopesa cha Ukalunga,” nge kamenga wachikungo haze milambu

vayihakilenga. Kaha nawa Elija atalile kaha ikiye ngwenyi lilu lyapwile nge unengu, kusopesa cha Ukalunga halifuchi lya vaka kuzeneka kufwelela lize lina holoka kufuma kuli Kalunga. Unengu unemanyinako kusopesa, kusopesa cha Ukalunga. Kaha uze linoka nemanyinako shili vana sopesa lyehi; kaha Yesu apwile uze linoka valingishile kupwa shili hali etu, kaha ambachile kusopesa cha Kalunga hali Ikiye. Ikiye vamulemekele ha milonga yetu ya shili, va muchikile ha upapwoke wetu, kuzangamisa cha kutunehela kuunda chapwile hali Ikiye, kaha mumikiki Yenye etu twahinduka.

<sup>89</sup> Mamalelo, Kalunga akwachi chisweko Chenyi cha kuzala na Kulalika, ufuku uno, vya yenu. Sepa wakulishitu, enu muna kuviza na kuyanda. Mamalelo, enu muna zeye, chili kaha chachikalu hali enu. Enu kamweshi kuhasa kwimana na kushimbulako, enu na—namuya na kupyapumuka na kutona chalikumbi lya lelo eli enu muli nakuyoyela.

<sup>90</sup> Enu mwevwanga echi mu *Life Line* ufuku uno, chize vakiko vanahanjika, nge—nge Russia ngwayo, mu '55, nge nakupwa “ikiye mwambata na kufungulula kuzalilila cha kaye chosena”? Shimbu kanda chize chisoloke, chize Kuhukula chatela kwiza. Shikaho omwo echi chinapandama lyehi, sepa? Echi chili chakwoloka na kuli hata kaha chili hakamwihi.

<sup>91</sup> Ove kaweshi kumutonda Ikiye ufuku uno na muchima wove wosena ko? Ikiye Liya lya Chinema, Ikiye youmwe zau, lelo, na haya myaka. Ikiye ali hano ufuku uno kulizundula Ivene hali vathu Jenyi, nge muze Mose azundwile chize—chize chinjikizo cha shili, chakusopesa. Kaha keshi shili kaha ko, oloze na misongo. Anukenu, Yesu ngwenyi, “Nge muze Mose azundwile uze linoka lya unengu, mukiko nawa Mwana muthu vatela kumuzundula helu.” Mwomwoika Mose amuzundwilile helu? Mwomwo shili, kuzeneka kufwelela, na ha misongo. Yesu na ikiye vamuzundwile helu, nawa, ha shili, na ha misongo, na ha kuzeneka kufwelela. Ikiye apwile chuma chochimwe.

<sup>92</sup> Jino, ufuku uno, mumakumbi ano omu tuli na echi cha kuneha kuhandunana chachinene, Yesu Kulishitu ashikile mu Luka, nge muma kumbi a . . . shimbu kanda Kwiza cha Mwata, nachikapwa nge muze chapwile mumakumbi a Satome, kaha omu Mwana muthu mwakalisolola Ivene, nge muze Mwana muthu ali solwele Ivene kuli Apalahama kuze; Elohim, Kalunga, alilingishile kupwa musonyi mukachi kavathu, kaha atwamine kuze na Apalahama na kumusolwesele ikiye, kumulweza amu apwile naku shinganyeka Sala (shimbu atwamine kunyima ya Ikiye) muze mu mbalaka, chize Ikiye kanda achimone lyehi. Amulwekele ikiye ocho . . . Kaha amuvulukile ikiye lijina lya, “Sala.” “Apalahama,” keshi lize—keshi lize lijina Apalama, ikiye aputukile na, oloze Apalahama. Keshi Salai, S-a-l-a-i; oloze S-a-l-a, “Puwove ali kulihi, Sala?”

Ngwenyi, “Ali mu mbalaka kunyima Yove.”

<sup>93</sup> Ngwenyi, “Yami nanguya kukutambukila kutesa na lwola lwa kuyoya.” Kaha ikiye asehele. Ikiye ngwenyi, “Mwomwoika ikiye nasehela?”

<sup>94</sup> Jino, Yesu ngwenyi, “Shikaho shimbu kanda echi kuneha kuhandununa chachinene chikunguluke na kuwema, nge uze Mwana muthu mwakalisolola Ivene mujila yoyimwe nge omu Ikiye alingile.” Kaha chize. . . Chuma muka? Chili kuzundula helu, chachihya, kumeso enu, nge Yesu Kulishitu ikiye youmwe zau, lelo, na haya myaka. Enu mwafwelela echi? Echenu etu tunongamenu mitwe jinonyi tulombenu.

<sup>95</sup> Ove Kalunga, etu twakuzanga Ove. Lizu Lyove lili—lili Kulya chakuzala nayetu, Mwata. Etu twazanga Echi! Etu twayoyela hali Echi, Mwata. Echi chinasoloka nge kupwa chetu kanda lyehi kukahasa kupwa chakutamoko. Etu twazanga kutwama kumesa Yove, kujinguluka Lizu Lyove, na kusuuluka na jikisu, Mwata, omu etu tuneza hamwe ngana, va ndumbu va malunga na mapwevo vase vananehe na Manyinga a Mwana Kalunga, ou wakulanda na Manyinga Ove. Kaha etu tuneza ufuku uno, Mwata, etu tunahane maufuku awa akulombelela vali nakuviza. Kaha kutesa na Visoneka, Ove wambile ngana ngwovo “ha mikiki etu twahindikile.” Echi keshi chakutamo kulumba jino (kuli konekela kaha jishili jetu), mwomwo ha mikiki Yove etu twa (kunyima) hindukile. Mamalelo, likumbi kana lya ulwilo! Lushiko kana—kana lwa Emanuwele! Ngana nge Echi chilivene Muchano.

<sup>96</sup> Ove ngwovo, “Katando kakandende kaha, kaha kaye kaveshi kukangumona Yami chekako, oloze enu namukangumona Yami, mwomwo Ami” (kuvuluka muthu “Ami”) “Ami nangupwa nenu, na muli enu, na kumakumishilo a kaye.” Kaha na kumakumishilo a lwola, echi kwenyeka chachinene, Ove ngwove, shimbu kanda echi chisoloke, echi nachikapwa nge omu shimbu kanda kuholoka cha kakahya mu Sotome na kwocha kaye ka Vakamafuchi eka na eka, ngana nge nakukeza cheka kusoloka cha Mwana muthu nge muze chapwile mu Sotome. Tata, kanda vathu nachiva hita echi ko.

<sup>97</sup> Kaha Ngwalombo, Kalunga, nge muthu kaha wamundende, (kachi Ngwahanjikanga mwakuhenga, ngukonekele yami), hakwingisa mu ngiya. Ngwavazanga vakiko, Mwata. Ngwa—Ngwalombo ngana chihone kuva hita echi. Echenu echi chipwenga maufuku amanene amwe, Mwata. Echa ali nakuviza wosena, vali nakuyanjisa, kapuputa, kala chuma chili muno, Mwata, ahinduke ufuku uno. Echa muka shili wosena vamulwile. Muze vane mumichima yavo jino, kachi vali vakakuzeneka kufwelela, kaha echa vakiko vatambule Kulishitu ha lwola vene luno. Tuhanecho echi, Tata. Echi chili chosena

mumavoko Ove. Etu tunalihane kuli Ove, kumona Ove kwiza muli etu.

<sup>98</sup> Kaha Enu ngwenu, muli Mukakujila Yowano 14:12, “Wose uze mwafwelela muli Yami, milimo ize Nguli na kulinga mwakayilinga naikiye nawa.” Omu etu twatachikiza Ove walilingishile Ove lyevene kukutachikiza kuli vathu, mwomwo Ove wapwile uze Kapolofweto uze Mose ambile ngwenyi mwakakatuka. Vakiko kavapwile na tupolofweto mu myaka handulendi, kuneha kuhandununa chapwile kuli livoko lyosena, olozenyi Lizu lya Kalunga lyatelele kuzalishiwa; shikaho Lizu lyalumukile kupwa musonyi, kaha chochimwe na kuneha kuhandununa nawa. Kaha, Tata, kaha etu tuli nakumona echi lelo cheka, chize kuneha kuhandununa kwiza na kupwa mukuta umwe waunene; kaha etu twamono Lizu kwiza mujila yoyimwe. Tukisule etu ufuku uno, Tata. Etu vavene tunalihane kuli Ove, na Lizu Lyove. Kala mwosena omwo Unatondo etu kulinga, linga na yetu, Mwata. Mu Lijina lya Yesu. Amena.

<sup>99</sup> [Ndumbu wa pwevo kuhanjika mulilimi lyeka. Ha tepu hapimbi—Muka.] Etu katwatachikijile chuma Ikiye ambile. Ikiye pamo ali nakutonda kutulweka etu chuma chimwe, shikaho pwenu va kuunda mukatando. [Ha tepu hapimbi. Ndumbu walunga umwe mwahana kulumbununa.]

<sup>100</sup> Amena. Enu mwatangaho lyehi...? [Ha tepu hapimbi—Muka.]...Chisoneka kuze mwejlila mukakole, kaha vakiko vosena vali kungulwile hamwe, kaha vakiko...uze mukakole apwile na ngolo jajinene. Kaha Shipilitu ya Kalunga ya holokele hali muthu, kaha amulwekele, kaha apolofwetele, kaha ngwenyi kwakuya na kuswama na kuvandamina, kaha venyekele mukakole. Chize nachikeza cheka. Kuli chihela chakwenyekela mukakole wove, talenu, mbata livoko lya Kalunga. Lize livoko lya Kalunga ikiye Kulishitu, eyo vene, lize Lizu, shikaho mbata Chize mumichima yenu ufuku uno shimbu tuli nakusanyika mukana wakulombelela.

<sup>101</sup> Ngwafwelela Billy hana cheka ma kati akulombelela cheka lelo. B, B's, echenu tumbate B, eyite faifi. Ufuku unahichi, etu twapwanga na fifiteni ufuku unahichi ngana. Etu tweji kweseka kulinganga vene ngana kumbata pamo maufuku fifiteni. Kaha kwata kati yove, etu natuwatambula, jino. Echenu tweseke hamo fifiteni. Eyite faifi. B, nge Branham, enu munejiva. B, eyite faifi kutwala ku handulendi. Kaha etu... Echenu tumone, hiya ali na B, eyite faifi, imika livoko lyove. Enu munakunyuka... Mamalelo, kuyima, chosena cha kwoloka, eyite faifi twayenu.

<sup>102</sup> Jino, mwanami...Shikaho nge pamo kunahase kupwa vangeji hano, kamweshi kuhasa kutachikiza omu vachilingile. Mwanami kwiza hano, mokomoko muthu umwe; kachi ikiye keshi kuhasa kwiza, Ndumbu walunga Borders, muthuweka. Lunga umwe mweza kuno, na kumbata awa makati, osena a



handulendi, kaha mwemana kumeso avatu na kuwafutula osena hamwe. Shikaho ikiye mwakuhana ove kati, ikiye mwakulweka ove naunaya nakwiza kuno kuka menga, ikiye katachikiza chize ko. Kaha chipwe Yami kangwatakiza ko. Ngweza ufuku, koka kaha pamo teni mokomoko fifiteni, hakufwana ngocho, mukachi kama kati. Chize kacheshi na chuma chimwe na kuhinduka chenu. Enu kamweshi kutwama haze ko. Tala, ufuku unahichi. Vangahi vapwanga hano ufuku unahichi, echenu tutale livoko lyove? Omu vathu vatambulanga kuhinduka vosena mukuliwana twapwanga nacho!

<sup>103</sup> Jino, ize yapwile eyite faifi, eyite sikisi, eyite seveni, eyite eyiti, eyite nayini, nayite. Echenu vakiko veze jino hano vene. B, eyite faifi, eyite sikisi, eyite seveni, eyite eyiti, eyite nayini, nayite. Chize nachipwa chimwe. . . Punduvene, etu tunatondo. . . Kaha kachi muthu umwe. . . Hano hali mukwavo umwe, eyo, chize nachilingisa kupwa chakwoloka. Nayite, nayite kutwala ku handulendi jino. Nayite, nayite wani, nayite tu, nayite seli, nayite fwoo, nayite faifi, nayite sikisi, nayite seveni, nayite eyiti, -nayini.

<sup>104</sup> Kachi enu kamute kwenda, kachi ove uli. . . Ngwamono etu tuli na vavavulu, vitwamo vya chipoya vitatu hano jino, viwana, Ngwafwelela, Ngulinakumona. Kachi uli na kati ya kulombela, ize—ize ikiko numbala yove yakusayikila, kaha kanda mwenda, ove imika livoko lyove, etu natuyineha hano.

<sup>105</sup> Kaha kachi ove kaweshi na kati ya kulombela, twama vene oho na kulomba, kaha hanjika, “Mwata Yesu, echa—echa—echa chipwenga ufuku uno.” Vangahi muno hano vanahono kupwa na kati yakulombelela, imika livoko lyove. Mamalelo, yami! Chosena cha kwoloka, jino echa tuhanajike echi, Ngunafwelela kacheshi kwivwakana katangalakaji. Oloze kuli pwevo wamundende lwola lumwe uze kapwile kati yakulombelela, etu ngwetu. Ikiye ayile nakulishindakanya kuhita mulizavu, ikiye ngwenyi (jino ivwililenu), “Kachi Nangukwata kuchikuto cha uze Lunga, Nangupwa wa kuyoya.” Vangahi vanatachikiza uze mujimbu? Chosena chakwoloka. Kaha ikiye alingile ngachilihi? Ikiye amukwachile Ikiye, kaha ayile na kutwama. Kaha Yesu alumukile, Ikiye atachikijile kuze ikiye apwile. Echi chakwoloka? Ikiye atachikijile ukalu wenyi uka. Echi chakwoloka? Ikiye atachikijile ukalu wenyi uka, shikaho Ikiye amulwekele ukalu wenyi uka. Kaha ikiye ewwile mukachi ka mujimba wenyi nge kuhichisa manyinga chineche. Echi chakwoloka? Mwomwoika? Ikiye amukwachile Ikiye.

<sup>106</sup> Jino, va Kulishitu vangahi vali hano ufuku uno vatachikiza, kutesa na Hepeleu, uze Mukanda wa Hepeleu, nge Yesu hano jino ali Kapilishitu Wakulitulaho, ali Kapilishitu Wakulitulaho uze vanahase kumukwata na kwivwa cha kuhehela chetu? Keshi Ikiye ko? Chosena chakwoloka, kachi Ikiye ali chochimwe

Kapilishitu Wakulitulaho, ufwishi yoyimwe, Kapilishitu Wakulitulaho, kaha Ikiye mwalinga ngachilihi? Ikiye mwalinga mwomumwe nge omu Ikiye alingile jino. Enu mwafwelela chize? Ikiye mwalinga chochimwe nge muze Ikiye alingile jino, kachi enu namuhasa kufwelela chize. Chosena chakwoloka. Vangahi vanafwelela chize, imika livoko lyove, hanjika, “Yami ngunachifwelela echi”?

<sup>107</sup> Chosena chakwoloka, shimbu vatunge mukana wakulombela, echenu kupwenga mukana wakulombela kuze. Ngunejiva Ikiye ali hano. Ngwa—Ngwa—Ngwakwivwa Kupwa Chenyi muno, kaha Ngwa—Ngwatachikiza nge Ikiye ali hano. Twaya. Mukana wakulombelela unalizange lyehi? Nanguya nakusanyika vamwe muze. Ove jinonyi—jinonyi lomba, jinonyi tala kaha muli eyi jila na kulomba, fwelela jinonyi.

<sup>108</sup> Pwevo wamundende natwame aha nakungutala yami, natwame hakamwihi na uze pwevo ali na vivanjilo hameso. Kamweshi nakumona Chize cha sukama hali uze pwevo? Tala hano. Talenu? Ikiye ali nakuviza ukalu wa muchima. Ove una fwelela nge Kalunga mwakuhindula ove? Kachi ove mulingamo, imika livoko lyove. Uze ukiko ukalu wove. Chize chakwoloka. Jino kachi uze ukiko ukalu wove, imika livoko lyove mangana vathu vamone, imika livoko lyove *ngana*. Jino, ove kaweshi nawoko jino. Lufwelelo lwove lunakulingisa ove kupwa kanawa.

<sup>109</sup> Ikiye ali youmwe zau, lelo, na haya myaka. Mamalelo, haze hali kuneha kundununa; oloze Yesu Kulishitu ali youmwe zau, lelo, na haya myaka. Echi chili. . . Jino twalilaho kulomba, talenu, enu kamwatela kuvanga kupwa hano, mangana enu mutachikize ko.

<sup>110</sup> Jino, ou pwevo. Nge omu Ngunatachikiza, Kanda lyehi ngumumone muchiyoyelo chami, ali kaha pwevo nimana hano, kaha akwechi kati yakulombelela, kaha katachikijile nge navamusanyika na kwiza kuno mokomoko chiku. Muthu umwe anguhane kati yakulombela, kaha ove—ove nambala yove vanayisanyika, shikaho ove twaya kaha hano. Echi chili chakwoloka? Kaha Kangweshi na jila yakukutachikiza ove omu wapwa, ove uli hiya, ove wafuma kulihi, chuma muka uli nakutonda, chuma cheka chauchi ha echi. Nguli kaha ngu lunga, ove nawa upwevo. Chize chakwoloka. Echi chifwanyisa chochimwe chejile lwola lumwe mu Mbimbiliya, Mukakujila Yowano, kapetulu 4.

<sup>111</sup> Jino enu ngwenu, “Chuma muka walingile, Ndumbu walunga Branham, kaha jino, hanyima thuhu?” Kukoka chindende nakuhaka mu ngiya, talenu. Ngwahono kutachikiza, talenu. Ikiye atela kuchilinga echi. Ngwahono kutachikiza. Uze pwevo achilingile ngachilihi kuze? Kanda lyehi ngumumone uze pwevo muchiyoyelo chami. Ikiye ali vene ngeji kuli yami. Ngwafwelela echi chapwile uze pwevo. Hiya uze muthu va

hindwile haze vene jino kuze muze mulizavu? Enu munahase . . . Yaah. Etu tuli vosena tuvangeji kuli umwe namukwavo. Kachi echi chili chakwoloka, wingisa livoko lyove *ngana*. Talenu? Kanda lyehi ngumumone ou pwevo. Oloze ikiye atwamanga kuze, na kufwelela. Jino, ikiye akwatanga chuma Chimwe, keshi ngochoko? Echi kacheshi kungukafwa yamiko kungukwata yami.

112 Oloze enu kamwachimwene nge chize chinapu Mbimbiliya ivene kupwa Lizu lya Kalunga? Ikiye ali youmwe zau, lelo, na haya myaka. Etu tunapu jimbilaka ja uze Shipilitu Wajila ou ali Kulishitu. Talenu? Nge ize Mbuto ivene. Kahajino nge uze ivene Shipilitu Wajila kwingila muli Mbuto ivene kupwa Lizu, keshi . . . Echi kayeshi kuhasa kupwa chihanda cha Izeko (mwomwo, uze liyavolo eji kuzachisa Chize), ove watela kumbata Echi chosena, talenu, Lizu lyosena lya Echi; 'mwomwo, Ikiye kapwa Kalunga wachimbwa ko, Ikiye apwa Kalunga wakuzala. Talenu? Kaha chikiko chatondewa kusoloka.

113 Jino, hano hali ou pwevo, Kanda ngumomone lyehi. Yesu awanyine pwevo nge ngana lwola lumwe, pamo keshi naukalu woumweko, Ngunahono kutachikiza. Kaha Ikiye apwile na twame hali shima. Ikiye—Ikiye atelele kuya naku shikumuka ku Samaliya. Kaha etu twawana, Samaliya yapwile mwishi ya pili. Kaha—kaha Ikiye apwile nakuya ku Yeliko, kwesekesa, kaha Ikiye ayile nakujinguluka mu Samaliya, kaha na kwiza mu mbongi ya Sacha. Kaha Ikiye atwamine ha lishima, kaha Ikiye atumine tumbaji twenyi vaye nakutonda vya kulya.

114 Miyachi ya vathu vangahi yize yili mukaye? Vatatu. Hamu, Sheme, na vathu ja Yafweta. Etu tuvosena twafuma muli Nowa. Kaha kaye kosena vakanongesele ha lwola luze. Kwasalile kaha miyachi yitatu ya vathu, vaze va Yuleya, va Kamafuchi eka na eka, na Vakasamaliya (vaze vapwile chimbwa va Yuleya nava Kamafuchi eka na eka). Kaha awa akiko miyachi yili mu kaye, talenu, vatatu kaha.

115 Vyosena muli Kalunga vya kupuka mutatu. Chochimwe nevi vitatu Ngwapwanga na kuhanjika ufuku uno: jitambo jitatu ja kuneha kuhandununa, jitambo jitatu ja mu Lizu lya lingishile kupwa musonyi, na vyangocho. Talenu?

116 Jino, kaha Ikiye—Ikiye ahanjikile kuli va Yuleya, alwekele Fwilip, omu ikiye anehele Nathanael, kuze ikiye apwile, kaha ngwenyi, “Ngwamumonanga ikiye omu ikiye apwanga mwishi ya mutondo.” Ikiye amulwekele. . . Andeleyi anehele Petulu, Ikiye ngwenyi, “Lijina lyove Shimona, kaha navakakuvuluka ‘Petulu’ kufuma lelo.” Ngwenyi, “Ove uli mwana Yona.” Talenu? Jino, vakiko vosena vapwile va Yuleya.

117 Oloze hano Ikiye ayile ku va Kamafuchi eka na eka . . . keshi nge va Kamafuchi eka na eka, oloze Kasamaliya.

118 Jino hi lwola lwa va Kamafuchi eka na eka. Ikiye kanda lyehi azate chize lwola lumwe kuli va Kamafuchi eka na eka. Tondenu mu Visoneka. Kanda lyehi. Oloze Ikiye ashikile, mu Luka 22, nge Ikiye mwakachilinga shimbu kanda Kwiza.

119 Oloze Ikiye atwamine haze, kaha hina kwiza ka Yuleya wa chimbwa na Kamafuchi eka na eka, pwevo. Kaha Ikiye ahanjikile kuli ikiye, “Pwevo, ngunehela Yami meya ngunwe.”

120 Ikiye ngwenyi, “Mwomwoika, Ove kawatela kuhula chizeko, chuma chikuma. Etu tuli . . . Kuno kuli chihandwa hano. Ove uli ka Yuleya, kaha—kaha Nguka Samaliya.”

121 Ikiye ngwenyi, “Oloze kachi mwatachikizanga Hiya muli na kuhanjika nenyi, ove kachi naungulomba Yami meya.” Chuma muka Ikiye apwile nakulinga? Kukwata shipilitu yenyi. Kaha haze vene Ikiye awanyine ukalu wenyi wapwile uka, chamwaza, Ikiye amulwekele aye akasake lunga lyenyi. Ikiye ngwenyi kapwile naumweko. Ikiye ngwenyi, “Chize chakwoloka, ove wapwile navatanu.”

122 Jino, tala, omu va Fwaliseu vamumwene Ikiye kulinga chize. Chakwoloka, chize kuneha kuhandununa muze vene mukachi ka Lizu, vakiko vahanjikile ika? Vakiko ngwavo, “Ou Lunga ali Mbelezembule, mukatufuta.” Talenu?

123 Kaha Yesu ngwenyi, “Wosena mwahanjika nge Shipilitu Wajila omwo Yejile nakulinga chuma chochimwe, kaweshi kukayikonekela ko.” Haze hakiko hali kuneha kuhandununa. Talenu? Oloze Ikiye ngwenyi Ikiye mwava konekela vakiko jino, mwomwo Shipilitu Wajila kanda ezenga; uze Mulambu, uze Mukoko kanda afwenga.

124 Oloze jino uze pwevo kashinganyekele chize ko. Uze pwevo ngwenyi, “Mwane, Ngwamono ngana nge Ove u kapolofweto.” Vakiko kavapwile na kapolofweto ko mu myaka handulendi. Ngwenyi, “Ngwamono ngana nge Ove u kapolofweto. Jino, etu tunatachikiza nge Meshiya, ou vavuluka ngwavo Kulishitu, omwo Ikiye mwakeza, vikiko Ikiye mwakaya na kulinga.”

125 Chamwaza, kachi chize chikiko Ikiye alingile, kahajino Ikiye youmwe zau, lelo. Muze mukiko Ikiye alilingishile Ivene kumutachikiza, echi keshi chuma chochimwe na leloko? Chatela kupwa! Jino, hano hali jino pwevo na lunga kuliwana cheka. Ikiye keshi uze pwevo ko, Yami nawa keshi yami uze Lunga ko. Oloze Shipilitu Wajila ali youmwe hano, kaha uze atungile luze lushiko nge ize milimo Ikiye alingile, mwalinga chuma chochimwe mu makumbi aze a Mwana muthu aze navakamusolola.

126 Jino, kuhona kukutachikiza ove (kaha ove unatachikiza nge ou uli muchano), etu vosena tuli vene vangeji, kaha ove unemana hano. Kuli vamwe . . . Pamo chuma chimwe china henge na ove, pamo chauchiko, Ngunahono kutachikiza. Oloze kachi Mwata Yesu mwaya nakuchisolola kuli yami, hali Shiplitu Yenyi

Wajila, ukalu wove uka, ove nauya nakufwelela jino nge Ikiye ali Mwana Kalunga, keshi nge muthu ko? Echi chili kaha chiyawu, *eyi* mbalaka ize—ize Kalunga eji kuzachisanga, kala Ikiye wose mwasakula. Ikiye—Ikiye eji kuchilinganga na likoji lya kulimanyina na kusakula. Shikaho, oloze ove fwelela. Ove nauhasa? [Uze pwevo ngwenyi, “Amena.”—Muka.]

<sup>127</sup> Vangahi muno mulizavu navaya na kufwelela echi? Hano etu vavali tunema mwakwoloka kumeso a Musana, nge kanda lyehi tuli wane muli echi chiyoyelo, katweshi na chishinganyeka nge hiya uze pwevo, ali ikiye hiya, hafuminyina kulihi, ikiye natondo ika. Kanda lyehi ngumumone muchiyoyelo chami, chochimwe *nauze* pwevo Kanda lyehi ngumumone numbathu kutala na muze muchiyoyelo chami. Oloze, talenu, hano hali chuma Nguli nakutonda kweseka kumilingisa yenu kulinga: kumbata chize kuneha kuhandununa kuchifumisa muli enu jino, kaha fwelela Lizu omu Lizu vanalilingisa kupwa musonyi mukachi ketu. Lize Lizu lyejile na kupwa lyalitonyi mumujimba, chize chinapu Kupwa cha Kalunga.

<sup>128</sup> Jino echenu Ikiye amuhanecho ikiye. Ikiye ali nakutonda chuma chakutamo. Ikiye keshi namwanako, ikiye natondo kema. Ikiye ali na myaka kafwe fwote. Chize keshi chichikaluko.

<sup>129</sup> Vakiko vanatwame vene haze jino, mapwevo vapwile va myumba muviyoyelo vyovo vyosena, kaha twayenu kukamenga kuhichila oku, kaha Mwata avahane vana. Vamwe enu imikenu mavoko enu oho muli munatachikiza. Talenu? Talenu? Ngwambatanga kanyike wamwaza kapwevo likumbi likwavo, ha Sondo, omu Ngwafumine hano, chingoloshi cha Sondo; nge naye apwile mumba, uze Mwata ahanjikile. Kaha uze kanyike kapwevo wamundende, chuma chimwe chiyema cha chindende, ikiye ali muno? Ikiye ali hali? Yaah. Uno ali hano, hano vene, kutwama hamavu vene hano. Uze naye uze natwame haze. Ou ikiye uze kanyike kapwevo wamundende, yavene. Talenu ikiye? Ikiye apwile Lizu lya hanjikile kufuma kuli Kalunga.

<sup>130</sup> Jino, enu namumufwelela Ikiye na muchima wove wosena? Enu mwafwelela chize chize kukisula chize muli nacho, chize enu muli nakwivwa jino, napunga Kalunga kukumbulula? Kachi Kalunga mwangulweka yami lijina lyove lika, shikaho unahase kuluka kema yove, unahase kufwelela? Kahajino, Pwevolya. Thompson, ove yako kwimbo kaha ukapwe na kema yove, kachi ove nachifwelela na muchima wove wosena.

<sup>131</sup> Enu mwafwelela na muchima wove wosena? Pwako kaha na lufwelelo, kanda kukakasana, fwelela kaha Kalunga. Kalunga apwa Kalunga.

<sup>132</sup> Shangwenu, mwane? Ngwashingtonanyeka nge tuli vangeji, netu. Lwola lumwe Ngwakumonaho lyehi ove muchiyoyelo chami, nge omu Ngwatachikiza, shina omu ove haze wapwanga

nakwiza. Kaha Ngwashinganyekanga nge ove uli nathu ya Ndumbu walunga Shakarian, mokomoko hiya na . . . Mashagian, Ndumbu walunga Mashagian, uze mukakwimba, muze ove wezanga. Kaha jino Ngwakumonanga ove uli nakuya nakupwa mumukana wavakakulombelela. Jino, kupwa ngungeji nayove, kaha, mokomoko nayove, kaha Nguli ngeji, kuli yove na kuli yami. Jino, kachi Mwata Yesu mwangulweka chuma chimwe chize ove—nge uli, pamo chuma ulina na kutonda, echa kuhanjika nge; kukulweka ove chuma muka, kungulweka yami chuma uli nakutonda. Jino, Ikiye akuhanacho lyehi ove. Chuma kaha kupwa na kufwelelo lukutamo lwa kufwelela echi.

<sup>133</sup> Jino, vangahi vanevushisa chize? Kupwa kaha nalufwelelo lwa kutamo luze ove nautambwisa ocho unalombo! Talenu?

<sup>134</sup> Jino, jino, kachi uli hano helu kutonda chuma chimwe, kaha Ikiye mwangulweka yami ocho kufwila chove chika, jino ove unatachikiza Yami ngunahono kutachikiza kufwila chove, kahajino kwatela kupwa chuma Chimwe hano chatela kuchilinga echi. Jino, kutesa na Lizu, Ikiye ashikile kulinga chize. Ikiye atachikijile vishinganyeka vili mukachi ka michima yenu. Echi cha kwoloka? Chosena cha kwoloka.

<sup>135</sup> Ove ukwechi kufwila chachinene chakutambula kuhinduka. Chuma chimwe, ove uli na kuyanda na ukalu kulizakamina, kulizakamina chikuma. Chize chakwoloka. Chuma chikwavo, ove ukwechi ukalu wa nyima, kaha eyi nyima yinavijinga chikuma ku lwola lwa kunyima, ove vakupuli na kukupula hali ou ukalu. Muze MUKIKO MWANAMBE MWATA. Chize muchano. Talenu. Chize chakwoloka. Kaha hano hali chuma chikwavo, kufwila chove cha kwishi, chili, ove uli nakutonda kutambula lujimiko lwa Shipilitu. Chize chakwoloka vene. Twaya hano.

<sup>136</sup> Kalunga wamwaza, mu Lijina lya Yesu Kulishitu, echa ou lunga apwenga wa kuzala na Shipilitu Wajila, shimbu ikiye kanda aseze chihela chino, mu Lijina lya Yesu. Amena.

Jino tambula Echi, ndumbwami walunga. Pwako kaha nalufwelelo, kukasana chiku.

<sup>137</sup> Shangwenu? Ngunashinganyeka, nge omu Ngunatachikiza, nge tuli vangeji kuliumwe na mukwavo. Kachi nge echi chakwoloka, mwomwoika, shikaho mangana ava vathu vakatachikize, imika livoko lyove mangana vakiko vamone nge etu tuli vangeji. Kanda lyehi ngumumone ikiye muchiyoyelo chami, kumutachikiza. Kaha Ngwashinganyekela na ikiye kanda lyehi angumone yami, 'pamo mulikungumbuwa. Mwomwo Tata wa Mwilu natachikiza, kaha Lizu Lyenyi eli liliaha, nge kanda lyehi Ngumumone ou pwevo, kumutachikiza, mu chiyoyelo chami. Shikangaho, Kangweshi kutachikiza ovyo unakutonda hano, kangweshi na chishinganyeka ove

uhiya, chumamuka, mokomoko chuma cheka chauchi hali ove. Kangweshi kukulweka ove chuma chimwe.

<sup>138</sup> Chuma chimwe, chili kaha wana. Kachi nge Nanguhasa . . . Nge muze ngwalumbununga hanyima aha. Tambuka kaha, iwwa Ikiye omu mwahanjika; Ocho Nangumone, Ngunahase kuchihanjika echi. Ocho nahono Ikiye kuhanjika, Kangweshi kuhanjika. Nangwamba chize muli yami lyavene, kaha nachipwa chakuhenga. Talenu? Echi nachipwa chakuhenga. Oloze kachi Ikiye mwachihanjika, chili vene cha kwoloka. Kacheshi kukapwa, kanda lyehi chipwenga cha kuhenga. Echi kacheshi kupwa cha kuhenga nge nachisala kupwa Kalunga. Talenu? Talenu, mwomwo Kalunga keshi kupwa wa kuhenga.

<sup>139</sup> Oloze nge Kalunga mwangulweka yami ocho unatondo, ocho kufwila chove, mokomoko—mokokoko ocho unapwila hano, chuma chimwe ove unalingi, mokomoko chuma chimwe, chuma chimwe nge ngana, mokomoko ove uhiya, wafuma kulihi, mokomoko chuma Ikiye ali nakutonda kungulweka yami, ove unahase kufwelela? Ngunakusakwilila.

<sup>140</sup> Chuma chimwe, ove uli na ukalu na chipundo chove. Chipundo chove chili nakukukatalisa. Chize chakwoloka. Katula lyove . . . Ove uli na ukalu wamapwevo, ukalu kuupwevo wove. Kaha uli nakufwila chachinene mukachi ka muchima wove, mwomwo unajimbalisa muthu umwe mokomoko chumachimwe. Ali kanyike walunga, kaha ou kanyike walunga asele hembo, kuchina, kaha uli nakutonda yami ngulombe mangana ikiye akinduluke.

<sup>141</sup> Kalunga ali Mwilu, tuma mwanenyi kuli ikiye, na kukuka. Echa Shipilitu Wajila emike uze kanyike wa lunga ha jila ufuku uno, mutumenu ikiye cheka kuli naye. Mu Lijina Iya Yesu. Amena.

<sup>142</sup> Ikiye Kaha atachikiza nge mwamutuma cheka kuli ove. Kanda kuli zakamina. Fwelela jino, kanda kukakasanako. Pwako kaha na lufwelelo, na muchima wove wosena. Ove wafwelela, kaha Kalunga mwaya nakuku hana vyosena.

<sup>143</sup> Jino, echi kutumbununa vishinganyeka kaha jitatu mokomoko jiwana, kala chose chapwanga, talenu, Ngwa—Ngwayanga palanga nomu ngwakwatanga upuputa. Kangweshi kuhasa kulumbununa chize, kakweshi jila mwakuchilumbununa echi. Enu ngwenyi, “Ove kumana, chize chinahambakana chikuma navize wanangulanga muze mu minyutu fwote faifi mokomoko kuhambakanamo, enu munashinganyeka?” Eyo, mwane. Kachi echi chapwanga cha ma ola atatu, echi kachi chinahambakana chikuma.

<sup>144</sup> Pwevo umwe akwachile ku chikuto cha Mwata wetu Yesu. Kaha ava vathu kaveshi na kungukwata yami ko. Mwomwoika, ou pwevo hano, tala kaha hano, ikiye nahase kaha . . . (Haka mavoko ove hali yami. Talenu?) Ikiye nangukwate yami kaha

hali ami hosena, kasheshi kulinga chuma na chimweko, Yami ngumuthu kaha. Oloze ikiye atela kumukwata Ikiye. Kaha na Yami, ha wana, jinonyi—jinonyi. . . echi nachiya, uthu wami wosena nauya, kaha Nanguhanjika kaha ocho Nguli nakumona. Talenu? Kaha chikiko kaha. Talenu, kungukwata yami kacheshi naulumbunuiso numbathu numwe, oloze na kwate Yesu kuhichila muli yami. Mukiko na uze pwevo akwachile Kalunga kuhichila muli Yesu, omwo Ikiye ahonene na kutachikiza ukalu apwile nawo. Ikiye akwachile kaha ku chikuto Chenyi, kaha ayile na kutwama. Kaha Ikiye ngwenyi—kaha Ikiye ngwenyi, “Hiya nangukwate Yami?”

<sup>145</sup> Kaha vapositolo ngwavo, “Mwomwika, wosena vali nakukukwata Ove. Mwomwoika Ove una kuhanjika ngana?”

Ikiye ngwenyi, “Oloze Ngunamono nge ngolo jafumu muli Yami.”

<sup>146</sup> Jino, enu mutachikiza ngolo chumamuka? Kuzama. Ikiye azeyle hali pwevo umwe amukwachile Ikiye, kaha Ikiye apwile Mwana Kalunga. Yi yami, mukashili, vanalwili na Likoji Lyenyi? Munejiva mwomwoika chinahambakana? Mwomwo Ikiye ngwenyi, “Vyuma evi Nguli nakulinga, namukavikilinga nayenu nawa. Enu na mukalinga kuhambakana evi, mwomwo Nanguya kuli Tata Yami.” “Wamunene,” Echi vachihanjikile kuze, oloze kulumbununa cha chi Ngiliki, “Kuhambakana evi na mukavilinga.”

<sup>147</sup> Jino, uze pwevo Kangwamutachikiza ko. Kangwejiva chuma chimwe hali ikiye ko. Ikiye ali vene ngeji kuli yami nge omu vali vathu veka vakwavo. Etu vosena vangeji kuli umwe namukwavo. Mangana na vathu vosena va katachikize echi, ove unahase kwimika livoko lyove, ngwove “etu tuvangeji.” Jino, Mwana Kalunga, kachi Ikiye likumbi limwe aliwanyine na pwevo hatoma ngachize, ha lishima, kaha Ikiye ahanjikile nenyi mukatando kakandende, kaha Ikiye atachikijile hapwile ukalu wenyi, kaha Ikiye amulwekele ukalu wenyi wapwile uka. Kaha shikaho ikiye atachikijile hali chize, nge nge apwile Meshiya. Jino nge—nge Nguli. . . Ove unangukwate yami, Ngunakukwate ove, kaha kakwasolokele chumako. Oloze kachi lufwelelo (ha wana) na lufwelelo lwove (ha kufwelela muli echi) nachihasa kukwata Ikiye, kaha Ikiye mwahanjika kuhichila muli etu. . . kuhichila muli yami kuli ove, kahajino enu munatachikiza nge Ikiye ali hano nge Ikiye omu apwile kuze—kuze kuli shima lya Sacha. Talenu? Ikiye youmwe zau, lelo, haya myaka. Ove wafwelela chize?

<sup>148</sup> Ove uli na maukalu amavulu, kuyanjisa chachivulu, kulikasakasa! Chimwe hali vyuma vyavinene vize ove wakutonda kupwa na kukulombelela chili kutenda muvifuwa. Chize chakwoloka. Chize chakwoloka? Ove unominyina na kutenda muvifuwa. Omwo ove naumona katula livoko lyove. . .



149 Kaha ove weji kutambukanga chindende chindende, nge mwamwaza ngunahase kwanuka. Pamo vandamina munyutu kaha, pamo chuma chimwe cheka vanahase kuchihanjika chize nachimbata...Mokomoko, ove unatachikiza, ove weji kwivwanga vyuma vimwe; vathu, ove unatachikiza, nge kuhwima cheji kwizanga na kukufumbukila Echi. Vakiko ngwavo, “Mwomwoika, ikiye ashinganyekelele chize,” mokomoko, ove unatachikiza, nge ngachize.

150 Oloze, ove uli nakusoloka nge umuthu wamwaza, hanjika kaha kuli yami mukatando kakandende. Echenu twimanenu hano chindende kaha, mwomwo Ngunashinganyeka ngana nge kuli chuma chimwe cheka chize chili mumuchima wove chize uli nakutonda kuli Kalunga. Jino, kaha kangweshi kuhasa kukumbulula kulomba chove ko, oloze Ikiye nahase ku-...Mwomwo, kachi ove wa fwelela echi, kaha chili lyehi chakukumbulula. Oloze kachi unasake kufwelela; kukulingisa ove kufwelela. Jino, Nangukulweka ove, echi chili hali wakuzanga ou keshi hano ko, kaha uze ali ndumbu walunga, kaha uze ndumbu walunga keshi na muno mulifuchi kanako. Ikiye uli kulifuchi lya kufwana nge lya kuzova, na vijiva vyavivulu. Nangwamba ngana nge chuma chimwe nge mu Michigan mokomoko chuma...Yaah, ku Michigan kukiko ali. Kaha ikiye alina kuyanda na musongo wakufwa, kaha uze ukiko uli jiso jakuhona kuka uze ukiko ukalu ikiye uli nakumukatalisa. Chize chakwoloka, keshi ngochoko? Muze MUKIKO MWANAMBE MWATA. Jino, olyo lilesu ulinalyo mulivoko lyovo, lize wakatulanga kuli Kalunga, litume kuli ndumbwove walunga kaha mulweke ikiye kanda mwakakasana ko, oloze afwelele, kaha chize nachiya, ikiye mwapwa wakuyoya jino kachi ove naufwelela echi.

151 Ove unafwelela na muchima wove wosena? Talenu, jinonyi, kachi ove unafwelela, kuli kaha chuma chimwe watela kulinga, chize chili, watela vene kuchitambula. Echi cha kwoloka?

152 Jino nawamba ngwavo, “Ikiye ali nakutala hali chize, ava vathu. Mukiko ikiye alinakulinga, kutala hali vakiko.” Ove una mono chize chikuma!

153 Oloze mangana ove uhone kutachikiza echi...Ou pwevo hano, twaya hichila oku, pwevo, hano, muveji, kalamwose uli ove. Yami kangweshi na kutala hali ikiyeko. Ove unafwelela ngana nge Kalunga nahase kusolola kuli yami ukalu wove uka? Katula mavoko ove, kachi unahase, ove pwevo uli aha, ove pwevo uli aha, ou muveji. Yaah. Yaah. Chosena chakwoloka, kahajino nge ove una fwelela na muchima wove wosena, nge musongo wathulo kaweshi kukukatalisa chekako. Chosena chakwoloka, ya kwimbo kaha chifwelele echi!...?...

154 Kangwatalanga hali ikiyeko, keshi Echi? Talenu, Ikiye... Ove talisa kujila oku, chimweno kuchili numbathu kala

chuma na chisoloka. Amena! Kamweshi nakumonako echi? Chakukupuka nge omu Kalunga apwa wa kukukupuka!

<sup>155</sup> Ove wafwelela, nove nawa? Musongo wathulo unahase kukuseza, nawa, nachihasa? Ove una fwelela kachi nachihasa? Chosena chakwoloka, yako umulweke Mwata Yesu nge ove—ove wamufwelela Ikiye.

<sup>156</sup> Likumbi limwe enu mwatela kulunjika kamwe—kamwe kachifwoyo kujinguluka kachi chize kutenda muvifuwa cha kukashile ove, oloze echi kacheshi kuya nakupwa ngochoko. Ove kaweshi, ove kawafwelela echi, nyi chiku? Ove wafwelela nauya nakupwa kanawa? Yako mujila yove, kaha Yesu Kulishitu nakulingisa kupwa kanawa.

<sup>157</sup> Musongo wa muchima uli nakujiha vathu, oloze kawatela kukujiha oveko. Ove wafwelela ngana nge Kalunga mwaya nakukuhindula ove ko, na kukulingisa ove kupwa kanawa? Yako wa kufwelela na muchima wove wosena, hanjika, “Ngwafwelela mwamuchano hali echi.”

<sup>158</sup> Ove weji kuhanjikanga Chiyesu? Ove weji kwivwushisanga Chiyesu? (Muthuumwe hi mweza.) Yaah, chosena cha kwoloka. Nauya na kumulweka ikiye vyose ovyo Nangumulweka ikiye? Mulweke ikiye kachi mwafwelela, ukalu wa mujimo naumuseza ikiye. Ikiye—ikiye mwaya nakuchifwelela echi? Ukalu wove wa nyima nauya nakumuseza ikiye, nove nawa, shikaho jino ove unahase kuya mujila yove na kupwa wakuyoya.

Shangwenu? Ove wafwelela?

<sup>159</sup> Uze lunga natwame haze na ukalu wa nyima, nakungutala yami omwo Ngwahanjikanga chize. Ikiye nahase kuhinduka, nawa, kachi ove nachifwelela echi, mwane. Chosena chakwoloka, mwane.

<sup>160</sup> Uze pwevo natwame kwakamwihi na yove okwo, ove ukwechi ukalu wa shingo, keshi ngochoko, pwevo? Ove wafwelela ngana nge Kalunga mwaya na kukuhindula ove? Ove watondo kunangika mavoko hali uze kanyike wa lunga wamundende mwomwo ya mambuli eyi, kaha ikiye mwaya nakwivwa kanawa, nawa. Ove wachifwelela echi? Ove wapwile naukalu wa mapwevo, ukalu kuupwevo, ove kaweshi nawoko cheka. Lufwelelo lwove lwakuhindwile ove kaha lwakulingishile kupwa uwalambwe.

<sup>161</sup> Ove wamufwelela Yesu Kulishitu, uze youmwe zau, lelo, na haya myaka? Kahajino echa tuhake mavoko hali umwe namukwavo kaha tulombenu echi kulomba cha kufwelela, etu tuvosena, kulomba cha kulombelela cha lufwelelo.

<sup>162</sup> Kalunga wamwaza, shimbu etu twafwikiwa mu Kupwa cha Ukalunga Wove, kumona Ove kutambuka kuhita mukachi ka lizavu, kuhindula vakakuviza kwosena. Ove u Kalunga. Ngwalombo ngana Ove nauhindula lizavu lyosena. Echa

Kuhwima cha Kalunga chiholoke chituta mukachi kamichima yavo, kaha echa vakiko vatachikize nge lwola luli nakuhita. Etu tuli nakatando kakandende hano, kahajino etu natuya nakupwa nayi Ikiye hamwe Ou twazanga. Kaha jino Kupwa Chenyi chinehe kuka kuli wosena.

<sup>163</sup> Etu tunamupayisa Satana, Etu tunapayisa vilinga vyenyi vyosena. Mu Lijina Iya Yesu Kulishitu, Satana, lovoka muli ava vathu.

<sup>164</sup> Vosena vaze nava fwelela Ikiye jino, na kwitavila kuka chove, imana hamahiji ove, hanjika, “Ngunemana jino na kutambula kuka chami. Ngwachi fwelela echi.” Chipwetuthu ukalu wove uli ngachilihi, kachi vene mwafwelela echi, imana hamahiji ove. Jino katula mavoko ove, kaha hanjika, “Ngwakusakwilila ove, Mwata Yesu, ha kunguka yami.” Kalunga apwenga nayenu. Amena.



*MBUTO YA KUNEHA KUHANDUNUNA* LVE65-0118  
(The Seed Of Discrepancy)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chimwe na chingoloshi, mu Chizeji ha 18, 1965, wava Full Gospel Business Men's Fellowship International ku Westward Ho Hotel mu Phoenix, Arizona, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2020 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)